

求聞過齋文集

求聞過齋文集卷四

海鹽 朱方增 虹舫

借園記

蓬島瀛洲天外之神山霧列瓊樓寶闕海中之仙境雲橫騁六合而遐觀方疑縹緲寄一時之游賞儘有靈奇所以石磴紅泉幾兩謝公之屐香鑪紫靄數椽匡裕之廬陶宏景傍蓮井而開軒李鄴侯入芝岡而闢館蓋人非魯望終孤笠澤煙波客是杜陵肯負闡山花鳥況乎擴欽崎之量者方將以天地爲廬抱夷曠之懷者每欲與湖山作主矧復峯峩桂海原補天下之奇水繞沙隄妙有當前之勝則平泉竹石不妨曾屬他人古渡烟霞何必更分爾界此梅生觀察借園之所由名也夫其崇岡疊翠澗水拖藍鷺嶺西環虎巖東峙洞連瞻鶴松蓋搖風岫接盤龍

榕陰漏月對堯山而遙眇白鹿無踪指馬閣而斜臨黃鸝有詠
豈獨窅紅曲澗久擅勝於隱山卽看杉綠澄湖足怡情於官閣
然而聽鷓處處走馬忽忽構王內相之竹樓明年何處築陶泉
明之梨墅舊日誰家偶緣旌節之小留孰問亭臺之無恙遂令
煙蘿盡寂風絮春閒蔓舊檻而花斑篆低垣而苔古魚聽琴曲
尙憶當年鶴避茶烟已成往事未免山靈笑俗鳥語嘲怪抹淡
月於峯腰挂斜陽於屋角彷彿秦淮舊圃柳令曾遊何時洛水
名園苗侯再望則有年逢豕渡遇值鶯遷繡衣馳使者之車瑤
館斲梓人之斧竹亭溜雨一碧琅玕蘭砌籠煙幾叢葱蒨闌透
迤之曲徑斜拓紅欄跨宛轉之長隄低盤翠磴人家隔岸半映
垂楊漁艇中流淺拖弱荇峩峩佛寺春容樓外之鐘隱隱宮牆
紺碧殿前之瓦每至融風微扇小雨初晴客屐頻招酒觥競泛

輕裘緩帶叉手吟詩清簟疎簾科頭看弈拓瑣牕而岫列咫尺
晴嵐綴網戶而枝交干尋古樹鷗波瀉白衝畫舫於烟中蠟影
搖紅聽洞簫於浦上固已百靈詭態儼五嶽之開圖幾點濃皴
訝九華之列案公眞燕許自應借助江山客有荆關雅合分摹
林澈方增星輶甫駐月榭剛成重陽斟菊徑之觴七夕艤蓮洲
之櫂聯吟寄興卽景追歡境本天然工緣人巧烟雲南垞經摩
詰而成奇花草東山得謝安而增重此日擘箋五管慚小園酸
棗之篇他年仗鉞九州留憇舍甘棠之樹

包孝廉季懷毛詩禮徵序

粵自史翰齋風柱下播其靈華曲臺習頌淹中棄其篇目掇拾於秦燼抱殘於漢師傳注既富町疇各守房中之詩不參球鏞稷下之禮無當齊魯叢說莫麗專經不通承學之士縞有嘆焉包君季懷書探石倉冊總委宛秀茗羊車之年編執馬帳之列五際四始宿扶其菁華九儀八能素諳其節縷於是舉詩爲綱以禮相證條舉件繫名稱類分都爲一編厥有四善原夫昊天成命序定合祭之篇我將明堂緯記感生之帝雲漢之郊宮同日甫田之方社連文鳧鷖六章莫分公尸楚茨一什強合幽雅絲衣啟靈星之疑采蘋昧奠牖之節古今異說聚訟焚如君宏議獨伸實事求是幽窮燃犀之渚惑釋語蟲之冰其一善也若夫三單相次爰掌六軍百畝爲徹遂定四甸沔海足證宗過臯

應以正朝裊原禋祀於薪爇本醑飲於朋饗雅詩始作周官斯
成輔車是依表裏互證迺或者拘禮以詰詩或者援詩以駁禮
輸攻墨守簧說是騰君體綜源流氣叶沆瀣燦如張融之評列
若阮謀之器姬公纂述條貫皆明其善二也且也饋獻攸分登
降同節旭日始旦三商協期夏屋設具四簋示餽桐苴之杖稽
素冠而益詳挾拾之器合朱極而可證授几儻豆制參乎迎遵
洗斝酌斗儀補乎媵觶凡三百篇之儀適符十七帙之全經君
疏明士禮通乎侯國採纂既切本末自燦其善三也至於河間
博士宿守墳籍高密徵君本嫺禮經是以左髀右髀之制著之
大庖艾草纏旃之儀懋於田制以及緣綠異文繡納易讀類稱
先以立言非嚮壁而虛造論者指爲曩籍無徵經字好改舛矣
君力佐毛鄭難申孫王遂使星次永麗江湖常流存西河之支

流爲北海之羽翼其善四也惜乎銀管甫脫玉樓遽徵輔嗣注
易竟殞芳年仙民音詩僅留殘稿哲兄慎伯感棣柎之常謝懼
竹簡之易亡遂勤汗青用表梗素郡官之集久欽乎養炬夏侯
之編遞傳於勝建劄氏究業郵籤索言余學固一經識忘三篋
執疑發難未伸於馬昭弁詞定文有愧於元晏鑿雁序之誌痛
啟鴻函而引嗶無裨爝火之明聊資岷觴之導焉爾

麟鳳徵祥詩序

夫麟級啟六經之盛玉瑞先呈鳳繇開五世之昌鏘鳴豫慶良以感仁而出本效祉於姬庭覽德而來嘗揚輝於羸館榮逾綰組翥瑞雀而留環盛軼施輶兆祥熊而錫策久聽垂芬於瑤牒欣逢彰燉於瑀楣我厚庵大兄膏雨八紘卿雲四嶽遇盛

堯文

舜軌勳隆伊鼎姜瓊聯鵠序於

龍墀列宿重層霄之望鏤螭碑於虎館羣經光

聖代之文山濤之度勝人羊祜之才軼世朝章競薦廉能久協
廷評

溫詔優宣特違早邀

帝鑒於是拜

恩仙陸持節潯江豸衣歡竹馬之迎龍澤溥蒲魚之利波分九
派征帆匯吳楚而來惠被羣生寬政出孔桑而上輿歌遠播
宸眷允隆遂

頒齎禁之綸移駐羊城之纛鸞風蛋雨恤番舶於諸洋雉隴鱗
原軫節年於列郡海上轉千艘之粟全活蒼黎篋中鮮百鎰之
金自安素抱

天子知清操勵俗兼無趙忤歸裝盛德宜民久有劉宏惠政由
是

御屏特記

寵賚彌稠

錫英蕩於

彤廷蒞旌麾於刊水念此熬波之利仗茲調鼎之臣如命汲黯

於淮陽得君之重如恃謝安於江左爲世所尊遂乃恢舉鴻綱
遠敷

駿化憫疲丁於萬竈寬令甲於三時恩膏同江漢之波廣沾蔀
屋富庶遍荆揚之俗盡戴忻懽所由

聖主眷深

屢詔而獎同郭伋商民感篤頻年而留並寇恂况復惠逮士林
教興藝苑勸學集照螢之上館餼優增講經來鳴鹿之賢囊資
渥澗平山十里齊誦縑緗明月二分各勤鉛槧煥

昭代雲章之盛藝文全錄二唐續先賢日省之編理學兼通兩
宋加以利修防而瀾遂頻安資飛輓而漕能速轉賑周歉壤施
困粟而息鴻磬煖遍熒黎給棉衣而綏鶉結無分畛域見公忠
體

國之心克篤撫循徵康樂父民之澤矧又風高庇厦天涯之寒
士皆歡誼重班荆江上之勞人忘瘁豈獨齊嬰之族賴舉火者
萬家伏湛之鄉獲分祿者億井比符尚書之調困倍渥餉遺較
疏太傅之惠交益宏推解宜乎人瞻元禮若霄漢松喬天與汾
陽大富貴壽考熾昌萌祿種善果於蓮臺曼羨椿齡茁福芽於
芝苑廷羅崑玉早看紆組

金坡連翹

曼珠復慶蘊華瑤闕想公本釋迦度世大千界普結佛緣喜天
教菩薩傳言廿八字預書仙笈時則長羸紀候蕤律占時丹鳳
先鶩恰幸人依

鳳闕紫麟載誕尤欣地近麟洲三千里之喜信方臨十七日之
吉徵尊見同來自衆香國裏遍開大地蓮花並笑依介壽筵前

互擁連枝棣萼詩陳崧嶽此時宜詠琳瑯耀炳星辰他日定輝
纓綬懋徽型於瓊闔同左貴嬪之才福兼優卜公輔於金甌若
蘇平章之勳名濟美麟臺特紀留佳話於千春鳳紙歡題譜新
詩以八什

箕韻齋試體詩序

粵自紫極卿雲賁之嬌室丹庭鳳翹鳴於卷阿漢京推寶鼎之
篇曲水記羽觴之詠宴聖泉則子安絕唱賦崑明則之問翔華
應制之作由來尙已我

國家合六幕以同文緝頌協星辰之瑞扃兩闈而掄秀程詩聯
奎璧之輝館閣儲材製崇韶濩蓬瀛權藝體選咸諛燭天則霞
綺成章網海則珊瑚擢采以是士循令甲技獻

昌辰握靈蛇之珠輯抵鵲之玉莫不繪龍旂於武帳揮鳳藻於
文昌孟堅稱有漢文章炳然三代吳競謂我唐著作冠絕一時
方斯蔑如矣然而蕤賓之鐵躍水斯鳴唐箏之弦應福卽止鼓
湘靈於錢尉未富鴻篇采奇律於李肱僅傳羽曲求其瑋裁星
聚麗則雲蒸長孫則無騎不精淮陰則多兵益善擅雄姿之犖

舉成巨集之觥觥唯於篁韻齋試作詩歎觀止焉竹汀先生秀
鍾析木華蘊搏桑鐵嶺騫英毓瓌材於北鎮金屏展葉顯瑤閣
於西京稟鉤河摘洛之材贊

堯煥舜薰之治霜臺氣肅春苑葩舒挾水成瀾噴霞簇錦文筆
振乎鳴鳳世羣奉爲師資試律邁於神龍人益誇其仙製十行
瑤札綴瑪成篇四照瓊輝握珎在手屬以諷吟之譽畧陳疏證
之詞今夫學貴播芬宜刪僞體辭經進

御北戒繁聲芳草峨眉攀澧蘭而易褻斜陽鴉色指宮樹而成
織流派衍自西崑徒工獮祭靡音雜平南渡止競蜂喧銑闕瓊
題奇矜澁體靈書寶緯隱索祕文駢枝歸雁之篇蕭瑟哀蟬之
曲類茲繁響何當雅音先生骨矯建安律宗顯慶三霄羽佩清
振天風九派銀濤壯趨神澥朱鷺赤麟之什用之軒舞漢郊崇

牙翠簾之觀足以肅雍周陞鳧鐘鏘座虹采彌天登試院之體
裁式

熙朝之雅頌其不可及者一也雖然命題攸異取逕殊使摹
官樣之文章或難繪風雲月露狀澤雁之面目或未工瓌黻華
絺猶未免肘屈指伸尺長寸短先生胸多成竹手別繁柯經緯
神舉雄拓山河之氣張皇軒莢高摹日月之容或凌珧軫而旨
幽或撥銅琶而響裂有時杏花春雨能畫酒旗有時蕭寺秋風
如聽梵磬壁成圓雪玉折方流慧珠運而逾靈智囊叩而不竭
此其不可及者一也且夫射之能號猿貫蠡以決拾精也樂之
能仰馬泳魚以搏拊永也庸關淺植詎有嘉禾頽絢斷絲必無
良帛先生自受書東塾擢第南宮氣耀上合河分太史以至桂
局冠神仙之籍槐街超令僕之班官長六曹位尊獨坐無時不

嗜深昌歎妙粲疊華分三接之光陰未忘結習承

九天之警欵依舊書生每當鈴索局樞笏囊插級便吟手時
起哦聲銅鉢颺催八韻成而未寂金盞潤灑十聯出而爭傳撰
述滋多菁英愈茁編年歷三十八載存詩至六百餘篇可云縱
藝圃之巨觀集文壇之瓊寶其不可及者又一也抑又聞之聲
音之道本諸性情絃繆之神通於政術先生吐吞四瀆宣暢八
風每欲溥慈惠以熙春拯單寒於廣廈故能言外抱中和之氣
行間消蹈厲之心成務才宏則格物之理暢經世志大則宣德
之詞工昔倪寬爲御史大夫承明表其著作德輿稱文章巨伯
相業炳乎絲綸異代同符衡今抗古行見進清廟明堂之頌
頌和羹作楫之箴燕許今有替人舉藝本爲才子四海之霖遍
灑無非摘瓊管之春一品之集告成敢先附玉溪之序

平湖戈韞石上舍

温如

北谿八景圖序

夫爵承康樂述祖德而成詩與感子山懷舊居而作賦攬昔賢之高致每託篇章溯先世之清芬尙留林壑此韞石先生北谿八景圖所由作也先生揆天鋪藻擲地鏘金高風則千丈喬松亮節則一輪皎月辨瑯琊而證稻淵識爭欽酌斗酒而攜杵曠懷孰及況復家傳麟綬地接鸚湖門攀桂而才多庭植槐而德厚揚聲纓紉家隆石奮之風績學縑緗人重康成之里偉勳猷於奕代光譜牒於前朝居本梁谿志標吳郡賢良特舉同射策之仲舒飛輓攸資作轉糧之李迪蒞鴛湖而當赤紫帝獎名賢出鶴俸以濟蒼黎民呼生佛沒猶薦俎應如朱邑之祀桐臺卽移家竟似魏公之居相則有溪流北繞泖水東趨族以支分類韋韓之別派地緣姓著若殷鄭之名渠爲清白吏之子孫久亞

關西之望留平泉莊之樹石別開城北之廬碧漲環通二十里
之鱗原近接素風未改數百年之燕翼堪思先生裔續耳雲望
尊齒德松楸慕篤難忘萬壽之本根瓜瓞情綿每念粉榆之傳
神于是扁舟時泛遺構頻尋龍鱗之堤水涵青雁齒之谿橋或
暮柳煙桃雨飛淙界南北之塘梅雪松雲返景照東西之墅指
蓬廬而橫几夜月書聲訪蘭若而聞鐘曉風梵語一邱一壑盡
先人吟覽之鄉載燕載游動此日謳思之感遂乃刻藤演景湘
管摘芳圖似綱川分寫煙雲八幘詩同栗里並傳金石千輝僕
大使公築館之年遺踪宛在記誠意伯泊舟之地逸句猶傳豈
徒草華堂繫謝公之游興畧似浣花故里縈杜老之吟懷是
可傳焉洵足志矣方增葭葦誼附蘭茝心同桂江之使節初旋
栢水之詩筒遙遞瑯琊清激置身在王孟之閒水石幽川寄興

出荆關而上緘諸臺檣勝范喬一硯之貽綴以蕪言愧元晏三賦之序

景風閣序

王柱國駐節之鄉顏光祿讀書之墅魚峯霧列烏嶺雲橫暑追
仙巖綠颭一溪修竹春融佛洞紅圍半塢穠桃訪北牖於武陵
有時鶴唳儂西湖於葛嶺何處鷗波林巒久志於虞衡臺觀誰
新夫唐鐸乃有山峩疊綵亭葵齊雲元常侍桂海持麾摩峴紀
烈苗副使符離移節鐫石垂銘竄篠千盤踞玉室凌虛之勝崕
岬萬仞跨金陵勾曲之奇巖扉敞而珠幢懸泉竇疏而玉乳滴
靈蹤自關木煩蜀道之五丁法界誰移宛藉夸娥之二子然而
層巒拔地一線分天鑿楹之說虛存架壑之功尙闕足清風而
有峽坐綠雪而無亭拄笏看山任藤蘿之留客飛觴藉草恐薜
荔之笑人蕉園中丞鐵嶺舊勳璿樞碩輔風度則羊公裘帶謨
猷則范相旂裳揚域外之仁風作天南之霖雨金甌四葉閣高

漢晉之朝銅柱三邊野化獐狔之俗時則雞陵輸鬻龍水安瀾
五管受綬諸峒效職土狼邊砮懽播歌謠花鳥巒洲暇資吟眺
尋呂子攀芳之徑續劉公題壁之詩則有塔碧春雲樓紅晚照
魚鱗萬瓦雉堞千門桂粟篩金峰頂渺越王之址榕陰垂幄崖
邊躡諸葛之祠觀景物之雄奇惜山靈之僻陋爰乃疏軒腋郭
關館襟流轉石磴而螺旋聳珠蕙而鳳峙夾窗四啟排闥青來
洞戶交連緣階綠上卧龍遠控仙鶴旁招徑以曲而花分亭以
圓而樹合幾聲牧笛赤欄煙浦之橋兩岸魚魯鳥榜沙洲之艇
於是集賓選勝命酌追歡峻嶺崇山踵逸少蘭亭之禊水田夏
木亞輞川萸泝之圃地如方丈瀛洲軟紅不到境接珠林紺宇
積翠新開特是著屐東山非佐彈絲之樂種棠南國原留芟舍
之陰迺昔鐵甕屏吳雄題望海錦官障蜀勝紀籌邊房相國需

冥間凭珠櫂月皎元司馬夏雲高構玉碣星瑩記豐樂於滁州
瑞同喜雨攬迎暉於晉國景異垂虹歷數名臣俱標勝概豈第
若陳公乘月止賞秋宵謝守臨窗惟看山色已哉況夫懷深後
樂績紹先猷千水千山韓魏公之行驕徧陟一邛一壑謝幼輿
之高致誰同宜乎躡景丹楹臚權白屋操觚鱗萃搗鐻磨來恢
南徼之岡巒岬北門之鎖鑰勝如有待靈不自呈海立雲垂遯
奇文於扶漢原瞻陽眺脩盛事於觀農此固胸羅河嶽之經綸
手助江山之壯麗者也方增蓬山聽雨柳驛馳煙洱海前游金
馬碧雞之雄峙灘江今到烏鸞白鶴之高齋羽珠無南海之珍
珂笏有西園之盛地難蝟縮扁舟遠歷千程人似鵬飛六月剛
逢一息將翹材而築館偶絜楹而尋山顧而樂之嗟乎後矣名
山有主盡漢陽黃鶴之詩人傑作如林奪開府元熊之詞席勒

翠珉於四壁自勝紗籠耀丹壑於千春長看雲護公留遺愛比
謝墩召埭之高風我愧遲來仿秋水落霞之短引

千崖秋氣高詩序

榕虬盤嶺巖陬拓五管之疆萃鹿吹笙賓豆舉三年之典轉風
笛而偃月酉熟占杓按鳳驛而馳星乙科籲後時則荔殿葉碧
桂岫花黃攢玉筍以橫雲矯石魚而噓霧層巒拔地香園橘柚
千林飛磴盤空響合松篁萬壑訝煙痕之滃起黛抹山城看嵐
氣之蒸來翠迷塔寺月牙半角雪乳千堆斜陽則紅映芙蓉遠
瀑則碧緝獅象不數橫峯側嶺入畫皆宜卽看詭態奇觀敲詩
亦妙于是校才棘院寄想杜陵咏江上之青峯何必湘靈鼓瑟
賡沙頭之黃鵠恰思郡郭浮舟健筆雄揮昔在閩洲筵上新題
徧寫今當獨秀峰前燭燼三條正多士食春蠶之葉月明千里
方羣公稱秋兕之觴我蕉園中丞以潞國名臣知廬陵貢舉一
簾迺隔星接文昌八韻先成雲鶯藻海奪謝元暉之席詞高石

磴紅泉騁韓吏部之才光耀珊瑚碧樹山靈有幸況桂林乃天下之奇士氣尤歡謂開府本詩家之聖奏仙璫而和曲已看白雪成篇髮佛髻而撐空誰與青山增色乃有荆關巨手本出西曹荀鄭高風乍來南郡伴朱衣而共點濡青鏤而閒揮一幅蠻箋百盤鳥道翻空潑黛出五嶽於袖中插笏摩霄起千山於眼底樹枯霜白壁斷霞紅回雁字而峯欹隱猿聲而岫曲詩中有畫羣推今日之王維塔上題名較勝當年之孫抃固宜豔齊玉蕊嫩儷金莖飾寶軸以紅璃播芳聲於翠壁軼唐代火珠之試彙成丹篆千行擬王公畫壁之詞終讓黃河一什

蕉園中丞紫華雁來紅畫幀詩序

丹霄薦鵠之秋紫塞來鴻之月場開選佛待看千佛題名國擬
梯仙怡值羣仙列座蕉園中丞情怡瑣院興寄管城染出一枝
誤認珊瑚之樹烘來滿紙都成火齊之珠燃絳蠟而分光方酣
文戰映紅梁而酌醞妙佐添簪丹砂共靈草長生紫綬與仙毫
一色非花非果別傳卉譜之名卽色卽空巧證畫禪之訣對造
峯而作檻桂粟消黃傍曲檻而開屏苔紋襯碧家承調鼎預徵
一品之紅手慣栽棠長倚雙麾之絳傳觀賓從詎盛藝林疑同
赤水之生合仿紫芝之曲江醴陵筆攜五色爭賦瓊辭李昌谷
錦貯千篇徧裝鈿軸此日流芬桂海喜其壁紺箋于五嶺之閒
他時變化薇垣看再圖紅藥於中書之省

彙筆從戎圖序

蓋聞電馳四校蘭臺勒燕石之銘日墜九嬰柏府紀熊津之績
鄴旗東指檄著應劉驃樂南來幕稱房陸自來文士偶佐戎旃
非不役記星霜勦陳楮墨然而書生孱弱兵律森嚴聞風鶴而
神雙鑿沙蟲而氣嗇刀光一色欲墮眼花笳唱重圍先愁股栗
從未有灑金壺之墨瀟旣能筆擅生花握錦幄之鉤鈐又復氣
吞橫草者也門下士胡生雲樓通眉早異秀骨自成微奇表於
麀文悟神燈於豹畧荻灰寒撥竹慙孤生芸紙春醴科登拔萃
誦鳴鹿詩人之什服瘦羊博士之官煥璧彩於圍橋騰珠輝於
武庫兵論玉帳戟門知溫造之名識起鷲泉炎微告摩訶之警
則有國分勾町地屬牂柯費搆竜丁翻鸞鷁子昆明池近連村
羅燒劫之灰參伐旗高層漢閃積尸之氣覲夜郎而膽大舞辰

子而魂狂赤白丸探蒼黃局起

嘉慶戊寅歲臨安江外逆夷高五等聚眾謀不軌焚掠村舍抗

拒官兵逼臨安城外

制府玉亭先生伯麟牙璋鞠旅肩埒盤駒闕虎朝舖

跼鷲夜渡輯五甲五兵之仗繪九天九地之圖握奇則禽遁無

虛勦眾則驍飛有節結艾旃而整伍開蓉幕以翹材令狐桂管

之徵最崇鼎士李渥河東之辟精選儒官雲樓於是檄捧軍門

羶辭蠻舍乘几無將離之色奪講有遠志之心陪庖翼以驂駢

借王珣而同澤百箇露草十舍風馳芒生尺二之書手理三千

之牘吐青蓮於筆陣已驚影捷飛鴻輓紅粟於敖倉兼使聲酣

流馬消帳下營驚之歎不唱沙籌慰軍中楊柳之情爭炊銅鼓

玉亭制府督兵進勦檄調雲樓赴軍營綜理軍務總局兼攝文案羽書星馳晝夜不息者四月然使阮瑀祗稱

書記張滂僅在度支縱分籌筆之憂未壯請纓之志時適桐花

狔鳥愁結哀吟梗部蠻僮願參勁旅集鄉兵以應敵刺義勇以

遇劉雲樓氣懾熊羆身先貔虎率六郡良家之子勦三旬逆命
之苗投藺石而葛摧奮鞬輦而竹破平沙浩浩紅擲髓髓新鬼
啾啾碧生燐火殲鳥旂之列半懸首於藁街稽梟俊之誅尙遊
魂於薪釜已卯夏雲樓奉檄率八猛勁練渡漕江直抵觀音山
下以爲前驅會戰十餘次俘斬逆目無數而首逆高
五遁跡深箐相持二
十餘日尙未授首

天子以朱鳶雖靖未獲索詩青犢初平必禽張步

詔書特下軍帖密籌遣秦謀以牢搜改楚裝而窮索叢篁撲地

深箐黏天驀山則身犯烽煙拾路則村投畚火絲牽玉虎前程

憑雍闔畫圖衣匿金龍何處問智高踪跡時上嚴飭務獲高

死士改裝尋跡四月下旬既而知其乞降路絕負險魂驚蔭挺

始得賊耗於打雀山之巔

鹿以偷生網罟蝥以潛影方謂山名打雀除是飛來何期人盡
盤鷓鷯然直上嶺竄千尋而梯阻坂紆九折而布懸鷓鷯之陣

四周烏雀之聲羣亂雲樓指揮試弁驅率媮徒凌空則肉號飛
僊躡險則隊成餓鶻遂使節當地臘無盧循續命之湯寨卽天
生實彭寵往亡之日竟俘首逆克奏膚功五月五日二鼓後將
樓帥練勇先登六日黎明潛抵賊巢官兵勁練四面兵洗銀河
環攻生擒高五夫婦並逆賊數百人而江外悉平

事陳

玉陛爲書功第實邁等倫制府上雨櫛之勞

當三畀雷封之任

玉亭制府論雲樓功奏請以知縣
擢用詔從之並飭部先選

從此聽鏡

歌一曲還歸吟杖杜之詩手良吏數篇次第布黍苗之澤

是年

河南襄邑知縣政化風行去治之日邑人刊有襄邑棠蔭錄
中載其課農桑修堤渠濟孤寡保殷富勤織斷杜株累減火耗
表彰節孝繩檢吏役榜示刀筆者姓名以清訟原鋪卒工食躬
親給領俾沾實惠皆卓然可傳而尤以振士風爲已任邑之魁
秀時延入衙齋抗禮談藝以飲動餘子書院義塾復訪致耆
教育生徒暇則親在課之未踰年文風遂爲諸邑冠調任後
中丞祖洛行部過襄邑人累其事上之繙請建生祠以誌愛
懃洛陽篆窮究奸宄四方安業士民旣樹廉明雪冤碑於道

復建忠信明 可謂此才不易其氣獨豪者矣特是機槍芒掩久
決額於堂 落旄頭烽燧塵清轉成鴻爪使非烟雲之駐跡焉知雨雪之載
途爰託松煤試圖礮絹寫鐵騎金戈之狀殺氣橫青繪羊腸鳥
道之奇危峰聳紺蘭陵假面士載重旃非欲誇騰驪矜智勇也
蓋以微勞必錄感

聖主之深恩戰功曰多極文人之變相此橐筆從戎圖所由作
歟昔歲在庚午僕奉

綸辰北戴宿斗南操瓊咫尺以徵材攜珊枝而緹網得雲樓卷見
其意昂霄漢字挾戈鋌識碧雞金馬之英登香象華鯨之選今
果奇才雲上能傳馬帳忠經儒將風流足表羊裘雅度班定遠
飛而食肉武功振投筆之威龔渤海惠更爭心文治化佩刀之
俗

壬午歲調任滑邑時遣兵發之後民戶凋殘雲樓除陋規清
訟牘勞撫字表忠節添養廣惠堂孤寡至二百餘名邑有歐

陽書院凡肄業者厚其膏火又於四鄉添置義塾凡俸窮黎子弟就近誦讀更請修葺城池公帑所不足者出養廉銀補之工既竣勸諭士民增建室廡招商置米市數年荒坡之區頓還舊觀邑人感之爲建廉明慈惠額於堂程中丞嘉其急公任事奏請鼓勵詔軍機處存記

聊爲紀實以誌引嚆

應引見命以知州擢用

沈譜蘭刺史亡姬詩序

詩傳錦瑟李掾曹腸斷啼鵑偈誦金經蘇玉局心悲別鳳况復
嗜小星於南國縈薰風殊耿缺月於西窗徵蘭夢杳斯尤愴懷
鵲之呼緘恨鴛鴦之舞者也則有定羗刺史長水詞人早舉
仙桂之枝遂種甘棠之樹天臨參井地接汾潞奉檄方行尋花
偶值借來書記翩翩不異元瑜訪得蹇修媿媿誰爲小玉神姿
忽覩恰當藐姑射之山山在平陽仙耦堪諧愛訂萼綠華之約瑤宮
暫謫小名合仿青琴玉署初依令節正逢黃菊管調十二細數
芳齡璧種一雙尙遲綺夢生來慧業真成記事之珠料得禪心
不是沾泥之絮時則屠維紀歲姑洗吹笛青鳥司開紫鴛判合
稍含荳蔻盈盈十五之年水漲桃花灼灼重三之月歡悰甫結
最憐么鳳之馴諄語旋聞忽訝怒獅之吼冰肌綽約何堪刺遍

金針玉骨輕盈那禁拋來錫杖吹縵一池春水未必干卿生成
九子魔王何從說佛而乃藏嬌無屋匿趙有人聊爲狡兔之營
姑免妬鱗之逆護花別院巧避蜂衙看竹鄰家密偵蝶使詭託
南康之語道我猶憐勸回東海之瀾謂君無畏於是紅肩復比
翠袖重偎鸞本曾驚鴿窠免怖繞柔腸之宛轉暗灑啼痕對勞
目之猙獰強含笑暈虎難久弭陡操羅刹之戈鵠記方填竟渡
天孫之襪投懷中之玉燕佳兆初徵見窗外之金烏離愁再結
既而香輪歸去鴛水遙通繡幄迎來鷗波永穩算五角六張之
已過好事當諧憶千回萬轉之相憐柔情共訴夙侍琉璃硯匣
略解凡將慣憶翡翠簾櫳間看角觥團圓夜月酌仙醞而增歡
料峭春風散天花而競艷樂猶未足悲忽旋生熊入夢而空占
猿哀啼而遽絕綠珠已墜枉招梓澤之魂紫玉難逢每下秦臺

之淚藏指環於地下韋臯猶盼重生留眉黛於人間潘岳曾瞻
遺挂遂乃手揮鏤管心憶華姿調鉛自笑其未嫻敷粉忽驚爲
絕肖靈通意外神現圖中鬢影衣香想見紅鸞帳裏爐烟茗椀
時供朱鳥窗前僂指歡期三百六旬之未滿嘔心苦調二十四
首之頻廢是可悲也誰能遣此僕長安走馬未暇看花湖上聞
鶯每多惜柳沉乃墨雲一現已歷劫於恒沙靈石三生空證盟
於忉利願網黃鸝而剗肉徧傳療妒之方將招白鳳而斟膏更
溥延生之術庶幾地登歡喜不教對舞天魔果證因緣其效長
齋繡佛矣

織雲樓合刻詩序

銅鼓叢祠之地持節方來金鬻濯木之篇展函載諷蓋織雲樓
合刻方增曾於玉河橋畔讀浣齋微銀泥堤邊咏披商舊乃一
灣桂水恰逢召虎之來旬十載苔岑愧效士龍之握管夫歌諧
梓瑟原超熊昨鵬爭詞鏤棠欄不數鯨吐鼈擲然而錦車習史
紗幔傳經深院流紅長門攜素臺邊銅雀一篇殿閣苔青圍裏
金烏五字剪刀絳紫麟臺灑處曾無借咏之人繭紙題來絕少
嗣徽之響茲乃綠窗琢句並傳邢尹芳規黃絹聯吟共羨光哀
麗製編曹惠班之稿有婦公丁解王大令之圍何人讓謝固已
篇裁荀錦互賡雕玉之章翰染蘭楊別擅聯珠之集至若羅張
山北雲指巴西十索題詞四弦奏曲洪度摩訶之調妙容宛轉
之歌雖各翠琬鐫名紅牋留句而玉臺集裏僅見零篇璇錦圖

中罕逢完稿卽至百篇花蕊繡襦金彈之華一卷蕙蘭珍簪銀
鉤之艷猶覺駟妍抽秘長歌少孔雀東南扶輿搜奇古體之高
樓西北豈若簾開翠羽人一集而俱傳硯擁紅絲格雙聲而成
備司空圖二十四品妙該飛瀑眠琴晷試鶯一十八歌遠駕分
絲摘藕獨是雜言寄杜遠意吟梁創囉噴而申情製懊儂而遣
緒裴羽仙之狼煙風捲目斷斜曛程長文之蛾月雲迷心飛極
浦斯卽金箱闌綺璃管揚華莫分翟莠之光終滅鸞篋之色爾
乃鳴環官閣攀繭瓊櫳擬月璐而長吟集和會昌之一品咳風
珠而亂落才高王顧之二家豈徒拭翠翅成桐葉艷尙書之偶
遷鶯賦罷柳絲酬節度之歌此尤慧可福兼德偕才重者矣又
或叢蘭寫景夜月前庭雙槿怡情春風小院離亭飛葉人異雁
而縈懷幽谷停雲野啼猿而寄興花攢詞審縱誇閨闈之才錦

築詩城未壯關河之氣茲復家隣雪水臺接燕雲畫舫搖波雙
漿岳陽樓外板輿歷嶂一鞭趵突泉邊訪汾水之葡萄西橫馬
嶺眇滇池之楊柳南繞龍淙助借江山手筆直凌燕許賞資花
鳥心珠獨揭王盧所以兩世琳琅高軼小山之賦一家沆瀣並
工大雅之書特是硯琉璃必徐陵而可作琴牀綠綺非栗里
所曾諳顧乃吐鳳慚疎塗鷗忘拙汗紺螺之高頂圍文豹之一
班年家幸託裴黃詩格欣窺左鮑千秋手澤貽蘇家玉局之仙
一瓣心香拜李氏金龕之佛

荀愬詩鈔詩序

盤殿寫鏡蛾之韻金鑠風吹疎簾麝巢鷺之聲畫堂月上響鈴
寺外吟成蘆葉花驄鳴玉坊前唱出芙蓉瘦馬由來絕調原續
齊梁自昔才人多生燕趙然而六年鵝掖十里鵬坊罕聞楊柳
於旗亭誰賦葡萄於刁斗而迺鸞牋鏤月雁帛橫雲一卷琳瑯
千純錦繡鴛鴦湖上別度金鍼鸚鵡洲邊獨持玉秤則有手將
花散心比珠瑩坐翠羽之簾擁紅絲之硯聲驚擲地本赤城作
賦之家藻詭挾天又紫殿宣臚之裔宜乎羊珠探秘虹玉搜奇
細字如蠶波折入顏筋之勝清才似鶴風流追溫手之亦然或
謂媯帝造寶不歌晨露女英鼓瑟未和薰風良以人瘦黃花恐
笑柳梢之月妾乘油壁終慚松頂之雲所由南澗采蘋第獻玉
瓊西陵按葉止飼冰蠶不知莊喻析號天籟原通地籟伶吹嶰

管雉鳴必應雌鳴朔自筐覆玉而娥謳宮織璇而娥唱踰蹄崙
圃白雲登將子之謠狐尾翁山蒼野創候人之曲下逮羅張山
北葛采江南子夜四時丁姬十索瓊牆玉塞烏孫遠嫁之情璃
管銅溝紅葉閒題之恨以至煥儂澁布囉噴卜錢銀篋製花蕊
之辭璣錦組若蘭之字蓬萊頂畔龍女擣毫羣玉山頭鷓兒濡
翰莫不裝之寶軸麗以金箱況復鵲舞知貞鵲飛見節暮主則
篇成紈扇思親則操引遶鐘游紀西秦王蘊秀得借元輔史修
東觀曹班昭自葆耆齡斯固慧可福兼才非德累者矣彼夫妝
梁家之墮馬罔解題桐掃虢國之修蛾何曾賦茗玉獅善吼詎
唵翠羽明珠金鹿早殤未試紫絨白蠟琵琶飄泊江頭無贈外
之篇犀帶淒迷山上少感夫之作是又曆誇似杏心笑如蓮罕
傳瓊玖之文亦闕珩璜之譽若乃樂昌重合因題寶鏡之歌陳

后傷離轉買長門之賦則口哦芍藥卽可忘憂手浣薔薇偏能
蠲忿倘必情膠舟刻說瞽樂捫謬援金谷之墮樓遵戒玉臺之
握槩將見野無燕頤空生螻首蛾眉洲缺鳩關誰冠鼠牙鱗角
未免蟲徒語夏蟪不知秋蛙坐井而同拘鷲搶枋而竝笑焦僂
國裏詎聞龍伯之頡混沌城中翻詫雞人之隄已然使牀刀捉
魏饒鼎贖齊織女之贈牽牛延年僞記仙子之懷劉阮從事詭
題郭小玉思感羅茵曾倩令暉之筆李宮人詞成金彈或爲王
建之詩寫眞旣異乎劉媛借面翻同夫荀令則香歛韓偓尙有
嫁名將古意裴瑤難徵確姓又或凡將初辨互獲方諧慧僅拾
牙書非拄腹眯雙聲於蟠踈闌三疊於驪駒學步柳枝已噉楚
蘭而僕命效顰桃葉卽貌宋雁而兵呼是猶裸民忘霧縠之華
曠女詡雲鬢之艷也亦有注魚瘡習祭獺沿風覆米題庚隱在

越組啟鍾遇已庾仿山銘冢化狐顏解莫尋夫白嫗牆崩龍尾
語更與於莊姬聲牙多詰屈之音脫口少自然之趣至若邊沙
笳拍四歲猜絃別路雲飛七齡詠雁占虺十暑書白女之擺蘿
徵鶚八霜擬徐妃之撫桂十三琢句但留秋塔之題十六知儀
止聽夜機之誦雖各瑀臆流復鏤管傳芬亦吉光片羽之希無
毫絡觚編之盛爾乃觴辰獵史夜午警經當丸髻而雕龍洎垂
髻而吐鳳癸辛覈志纔過三五華年甲乙釐編已挾萬千氣象
短調摹西垠之麟白長歌掩南夢之兕青媿小言而鼠臂蟲肝
吹大聲而鯨吐鼉擲淡遠則微雲河漢織穠則初日芙蓉斑瑯
如蜻鼎虬鐘銅肌蛙綠奇岫似蠶叢鳥道石骨剗蒼模水範山
胎息紅泉石磴刻葩斲卉尋源綠樹樓臺弔千古之關河響溢
錦帆玉璽繪一時之花鳥艷生芝蓋青旗固已市重懸金家稱

累璧掌擎珠而少兩口漱玉而無雙矧乃匏齒漸添慧心愈巧
足躡蛟眩之岸塊阜嫌卑身游鯤運之波蹄涔笑隘此日窗前
曳繡儷淡菊於二十四品之中他時臺上吹簫續穠李於三百
五篇之後是也星占侍史月識常儀之李賀之蛇神少徐陵之
龍獨詩城拔幟愧莫題算博士之詞文苑簪毫當創立女相如
之傳

寄生樓遺稿序

曇花示影。謫來珠闕。三千瑤柱。銷聲歸去。玉樓十二人。原跨鳳
豈滯跡於輓。紅響聽啼鵲。空澆愁於大白。然而吹簫臺上。翼慣
雙飛。寫韻軒中。肩長互比。乃魂招網戶。既難延聚。宿之香詩。寫
蠻箋。祗悽咏。僕儂之什。若漱蘭女史之遺稿。則尤可慨焉。夫其
家隣浮玉。才邃探珠。本蘋洲柳惲之鄉。是蘭渚右軍之裔。蹤憶
上清降處。無喜無瞋。夢傳仙鏡。持來卽空。卽色當頭。明月真教
悟得前身。僂指雙星。不信幻成。小劫蓋自紅絲甫引。青鏤頻揮
方爲挽鹿之鮑。宣忽作依人之王粲。關山足。蘭闥閣。腸迴錢呼
葛令而無靈米。擲麻姑而鮮術。三秋一田。情縑綵而誰言五角
六張事。勃谿而隱泣。遂乃帆飛越水路。指吳山兩點。金焦射波
光於畫舫。千尋倚嶽。拂嵐氣於吟鞦。每卽景以摘詞。聊計程而

遣興不須雁帛重題徐淑之釵已近燕臺快合樂昌之鏡雖惜
才如司馬頭銜未顯於天邊何妨無賃伯鸞眉案且齊於日下
既而拙蠅營之居積恥狗盜以通名長安艱珠桂之求故里觸
尊鱸之感櫪中騏驥諒夫子未必長貧樹底鷓鴣喚此日不如
歸去潞河曉送千里以言旋顧渚秋澄聚一家而話別滿目
歎愁城之鏢藥裏徒攻取心訝夢境之符花禪早覺枉遣迴文
之存字轉憐續命之無絲是可忍乎胡嗟及矣乃或謂仙才易
覲慧福難修妄疑囉嘖之吟珠恒北邙之墓玉豈識絮哦道
蘊曾看鵲綬之紆史續曹昭亦致鶴書之飛倘隨草腐雖百歲
以奚爲解咏葉飛縱七齡而不朽固宜齊彭殤而一視豈必例
葛鮑以皆仙況復天道難知人生若寄當樓名之特命已羽蛻
之先徵託天地於蟬蛻何真非公駸春秋於鷓鴣欲往難留此

金君仲梅所由贈遺挂而神傷檢殘篇而涕隕者也僕濡毫久
滯同深炊臼之悲展卷長吟益愴絡絲之句願他日花栽仙尉
積俸錢於營奠營齋看今茲紙貴春明寫幽恨於或歌或泣

慶蕉園中丞六秩壽序

皇帝御極之二十一載道懋成鳩化翔蜚鳳紫寰泳澤難圖揚
六幕之庥

丹宸垂箴華鼓重九圻之任行鴻釐於

義陞

賜福邀恩優鶴算於軒臣剡觴

錫命十六族而元愷舉亮寅騰卿月之輝五百年而名世生指
酉值壽星之次測珠躔於鶉尾極曜臨南頒玉節於螭頭

闕書賁北謨宣五管詡功遍烏泝狼脰社迓千齡紀算軼羊珠
馨脯固宜琉璃瓶繼卜翊環華蓋之三垣瑤尊羣斟鞠醴藥瓠之
萬族蓋我蕉園中丞黍雨八絃聚雲九野週盛

堯劍舜袵勳崇伊鼎姜瓊

鼇扉之牙簾久膺鵠序之眉黎未艾人瞻李渤若景星鳳皇天
與汾陽大富貴壽考偁十六年大撓之甲子預頌南弧紀三百
日少暉之庚辛平分西顛其踰鸞而介叟妥侑兕而摛詞溯昔
生崧補袞襖泗鳴騶羊太傅鍾瑞嶽雲輕裘莅鎮韓魏公誕英
洛水晝錦開堂自來公輔之興每藉江山之助當文端公金陵
駐節正

純皇帝玉輦巡方亭臺新六代林巒聚戟沐

九重雨露蒼螭待迓白鹿剛疏嶽修貢而川效珍熊入夢而彫
應卜地闢攝山之勝天生渥水之姿福有由鍾同芝草醴泉之
特出祥真畢至應龍旂鳳罕而先來誕降之奇此其一也夫馬
圖媯昇翳堅共和薰琴亂籙娥膺學陟遞襲武鉞黃扉贊策漢
遘賢成紫禁摛文唐尊瓊頰鳳再鸞而已盛貂繼珥而猶希公

則旌節代承絲綸世掌文恪公贊襄

世廟文端公黼黻

高宗綠綬朝天謨烈與雲臺並峙彤軒問俗恩膏偕江水常流
鴻伐懋宣燕謀遠裕所以馮揚之家一萬石莫旄鹽梅鄧禹之
子十三人皆參槐棘簿閱之盛又其一也若乃入股肱而出父
母宋尙書傳都督之碑居外相而總上流房太尉志侍中之啟
自非德崇轡鹿才擴圖麟詎能橐籥黃輿銘勒鐵碑銅柱鈞陶
紫宙輝生羽葆油幢公自秩拜雲司化馳星使鼠墉雀屋獻持
南國之平熊軾虎牙望埒西京之重繼李晟而起
帝早知名待郭伋之來民偕仰澤績褒三載符綰八閩藩開秦
隴之疆節轉齊州之域秉六條而察吏江南北聽紅籀之宣選
千佛以掄才浙西東看絳駟之駐

鳳綸特賈李承約遂領黔雲龍戶待馴鄭從謙旋移粵嶠區黃
圖爲十八省駿猷已半寰中紆紫綬者三十年鴻譽早流海內
恩遇之隆又其一也且夫經緯天地有大德必有大功帶礪河
山爲世臣宜膺世爵是以孝恭儒將克銑棧威李愬舊勳平淮
頌烈憶臺海分廵之日方潢池盜弄之時鴟張甚於孫恩虻聚
同於張寶作走險之鹿想島嶼而爲巢成漏網之鯨造舢艫而
肆掠天機小逞王鉞載虔公乃威奮鷹揚謀申豹略范文正腹
內有數萬甲兵王僧辨帳中督千餘鵠舫折雞籠而守隘緝維
堞而登陴運阻木牛棗散金以膳卒軍雄水虎艦橫鎧而當衝
鼓翻紫海之濤箭落紅崖之雨始作楊么之負固狐尙跳梁終
看道覆之膏戈蠟空當轍狼孤鞬而虺毒消鴻捷聞而

龍光錫牙青紆繡孔翠飄冠珂玉優頒

天賜吉祥之字囊珠榮佩人歌安煥之章叙賀若彌之勞留銘
鍾鼎授寶安豐之爵逮澤雲祗鐵券家藏論功軼傳鄭甘陳之
上金甌警鞮置身在蕭曹房杜之間勦伐之偉又其一也至若
建旗江漢清德特樹螭碑仗鉞巴巫宿弊遂除猿峽凡翊辰猷
而燮化恒惓子諒以救邦公識炯晶燈信孚銅斗課吏治於劍
牛刀犢軫民依於晝敷夜絲笑鷺鳩詎識鯤鵬謂鷹鷂不若鸞
鳳所由賦繁吳會懲漏卮而恤疲丁習猗泉甯息鬪穴而嚴令
甲踪詰西洋潛孽靖紫羌紅犴之苗風簿搜南徼餘頑安銅盒
銀圈之獯俗獄矜瓜蔓敷滌萑苻釐園法而弊清培土風而獎
渥恩同海溥莫殫衆妙於猶龍續本山崇特舉一斑於全豹譬
天漢止窺織管便知三百六度之周廻比岱宗偶出片雲自成
七十二泉之浸灌以故虎能感化渡江姬太守之風龍解彌灾

禱旱埒平章之雨惠澤之孚又其一也他如晉公築墅詩詠清
溪李相登朝琴裁韻磬黃門授簡羊侍郎興寄文楸丹禁贊毫
辭少保情怡畫幃然而吳江楓落不聞圖仿劉侯汲郡絃揮未
見局偕謝傅公獨身紆鸞玉手握驪珠風徽則瓊樹瑤林淵識
則玉蔬冰鼠才真燕許千篇字挾風霜業是臯夔一曲聲諧球
石運靈機於腕底妙通黑白元經寫生意於胸中別具丹青神
化益經文緯武原宰輔之隆猷雅歌投壺亦昔賢之高致所以
一官一集王太府位亞彤闈多藝多材周元公化揚赤烏風雅
之媿又其一也況復鶴籌遞衍

鶴掖仁升萼聯黃髮諸昆宴預

紫宸千叟一品續會昌之集三公隆元狩之儀銘益箴梁調泰
鴻於栗陸卜枚賜筮廣絃鳳於鈞韶

皇猷邁古而登三世烈衡今而寡兩門第人物文學李平章僅
班秩於唐廷道德名望事功謝太傅表卿材於晉代方增星帔
倖馭虹旆欣瞻門憶坐風舊企伊川之範節逢讌月新稱潞國
之觴孔李本屬通家珪琦況官一道香霏金粟八千秋懋衍榕
祺峰列瑤簪十二屬同磨芝曲所願班崇

綸閣道論

璿樞朝欽弼亮公忠野頌康強逢吉識姓名於婦孺若司馬公
九州望其旌麾立功德於子孫同劉彥宗六世繼爲宰相

萬子雨太守五十壽序

皇帝御極之十有八載九寓獻琛十洲澄鏡蘿圖錫祉綿區揚
蜚鳳之休莖宰甄釐合宙詠成鳩之化蓋仁風穆穆早登熙俾
於三星而吏治蒸蒸久茂循良於兩漢所以塗懽里忭郡多慈
惠之師腹詠心歌人有期頤之慶時則月逢建亥序屬生申五
馬初來共仰先驅之節

六龍時御正稱

曼壽之觴歌有慶者萬斯年鴻釐駢錫與其治者二千石麟
將開固知一德克孚特寄股肱之郡況復五雲曾侍夙膺喉舌
之司如我子雨三兄天上文昌人中屈軼謝太傅爲蒼生而起
王邠公見紫色而生十載膺官丕佐敷文之治一麾出守適當
服政之期宜摛管以陳詞聊侑觴而引噓今夫才人之起半借

助於江山廉吏之貽常世傳夫簪笏矧乃六橋花柳原鍾地軸之靈萬里風雲合奮天衢之跡溯多士賓興之歲正

聖皇親政之年開蕊榜於春風聲蜚北闕步花磚於曉日班接南曹

帝知裴楷之名宜居清秩世重山濤之識能握眞評豈徒毛玠公方進魏廷而鏡譽王戎簡要追晉代以齊徽也哉迨夫樞府需才

綸扉選俊廷臣爭薦宰輔交推謂博達宏通祇崔休不負是職端謹慎密惟富弼克副其名遂乃密勿

紫宸迴翔

丹禁均傑直每待漏以趨朝
龍綽傳宣恆濡臺而俟命贊襄

鴻伐聿成三省之勳侍從鸞輿長傍

六飛之蹕攬灤河之風土盡入詩囊眺瀋水之雲山都參畫幃
宣勞八載疊邀

玉詔之褒沛澤三霄屢沐冰衡之晉爾乃風規嶽嶽威望稜稜
名早記於

御屏組遂紆於臺閣問温室之樹當年未敢輕談埋洛下之輪
此日何妨執法稽天庾而釐弊黠鼠潛踪察畿輔而鋤姦貪狼
匿跡旣而身衣騰譽烏府推賢統十四道之班聯榮參首座理
十八省之讞牘妙用平情簡厥修進厥良

九陛之謨猷密進懋乃德嘉乃績三年之

甄叙攸隆洎乎歲紀敦牂材翹瑣院處大體不急細事原高鐵
柱之聲先經濟而後文章宣昇冰衡之任爰宣丹敷特作朱衣

和凝之鉢初傳商隱之裳待咏論文丙夜十八人雅並登瀛開
譙辰垣三百士同看奪錦珊瑚網裏無滄海之遺珠桃李門前
多蓬山之仙植洵屬蘭臺之盛事允爲桂苑之佳談矣然而黃
霸位尊上相先奏績於潁川楊震望重三台實起家於涿郡蓋
抱公輔之器者當試以赤紫之區讀聖賢之書者宜被夫蒼黎
之澤況乎公才公望虞駿實有兼資一鶴一琴趙忬尤懷素志
固應仁風廣扇繼雅化於袁宏膏雨滂流紹前休於郇伯則有
羊城東峙獅嶺南蹲秦象郡之舊疆延袤最廣漢趙佗之遺俗
剽悍猶存海舶爭來甫靖潢池之盜山猺久戢未除蠻洞之風
蔓延或擾乎平民綏撫端資乎良吏疆臣抗疏求如陶侃之賢
聖主臨軒詢孰李綸之亞於是廷評博采衆望先收拜汲黯於
淮陽得君之重出耿純於東郡惟汝之能良以拔薤之功非庸

才所克濟懸蒲之化豈下吏所優爲以近臣而典大州唐世久
崇其制若諸侯卽今郡守漢帝特重其人所以引對彤廷深合
宸衷之契拜颺紫殿獨承

天語之傳也乃者道轉西洽塗循南國綰虎符而小駐駕熊軾
而過驅山畔榴紅遙聽桑鳩之語水邊蒲綠早逢竹馬之迎望
畫戟於珠江蛋人忭舞耀華旌於鈴閣馬戶歡呼遺愛猶留想
見當年之祖澤嘉謨待展親觀近日之民風地居百粵之衝亂
羊易伏人藐三條之法害馬難除鉅筭雖許其煩投冰鑑或疲
於屢照根株莫剔鈎距徒勞屬邀韓范之知聿布龔黃之政燃
犀炯炯能窮旁午之繁苛斷鼠巖巖不挫庖丁之鋒鏘行見風
消雀角爭誇荀淑爲神君豈徒化感鸚音其戴杜詩爲慈母新
猷丕振覃八十邑偃草之仁醞澤徐敷騰二千里青棠之頌方

求聞過齋文集

卷四

四

增濫竽壁水珥管金樞逖聽風聲瞻懷雲誼結崔盧之好鄉共
榆枌論嵇阮之交班連槐棘早知李渤若景星鳳凰共說汾陽
大富貴壽考天數五地數五恰符五秩之祥春八千秋八千合
上千齡之祝金桃待熟偕鸞無而稱觥玉樹羣森翥鷁雛而舞
綵遙想蒼龍嶺畔弦歌衍五福之疇卽看丹鳳樓前

綸綵賁三遷之詔

多饒峯司成五十壽序

粵惟道光麟閣玉書開繡紱之文化懋虎闈璧水振金絲之響
臯比擁座齊孫卿久擅榮名華組趨朝晉劉毅原推遠學況值
右文之代講經而

翠輦親臨欣逢弼教之賢齒胃而

丹綸特耀有盧相人師之望正聿公臺省之年固宜瑞牒揚華
瑤觴臚慶者也我饒峯四兄鐵嶺抽英銅樓毓粹珥貂累葉望
逾崔戟之家翥鳳華林才奪江花之管溯秋風之鸚薦元黜書
年泊春海之鯤翥旃蒙紀歲紅綾錫譙高題千佛之經紫殿摛
毫歡動衆仙之詠遂紆紳於薇省爰珥筆於

楓宸蓋鳳池邇禁鑿之傍倍光黼黻虎榜萃文章之選宜掌
絲綸所以一代

新恩首荷丹樞之榮遇千秋佳話特添青鎖之崇班則有王會
開圖賢藩約款四十八部落錯居鶴水鷹岡一十二字頭別譯
龍書鳳象守疆隅而襲爵恪修朝貢之儀

頒制誥而摘詞丕展謨猷之盛於是雞林譽播旣馳域外以蜚
聲虎觀才羅復入闈中而校士喜崑岡之玉探開榜庚年慎滄
海之珠遺持衡丙夜冰壺映處不迷巨眼於榛蘭珊瑚網張來更
得狀頭之桃李楊嗣復實探真鑒馮君卿尋轉崇堦值

講幄而簪毫榮領春坊之職貳成均而紆綬廣甄夏校之才由
是蛾術丕興

菴扉益眷堂前列座六星久明文昌

殿上宣名五月驟崇卿秩證前聞於唐史惟褚無量一人考盛
事於梁書類王安期再世此固燕謀貽澤昭濟美於後先益知

駿望揚休切依光於遠邇遂使遐陬慕景荒寓向風企上國之冠裳豈獨巔竇入貢來中山之纓紱不徒盤木登歌滄瀛萬里而遙航學海千程而初涉授一廛以爲第千得聞詩禮之傳環列舍而課生徒倍振弦歌之化蓋惟溥甄陶於

虞舜人頌敷文亦由勤董率於蕭昕首殷宣講也乃者龍光浴被鶴算延洪觀

顏纔值於熙春論齒正宜乎服政昭陽爲癸怡全咸鑰之十千振美於辰乍轉月笛之三律綠鞞液池楊柳

巡輦將迴紅蒸潭水桃花流觴甫過算二十四番之芳信兩度還羸僕一百五日之韶光一旬更展世傳韻事是張燕國游讌之辰人說今朝乃白太傅醉吟之節天數五地數五聿開五秩之祥春八千秋八千合上千齡之祝豈待羊珠益算麟脯延年

天孫之許汾陽王大富貴壽考學者之仰昌黎伯如北斗泰山
洵爲柱國之重臣夔龍得再況有克家之令子鸞鳳鸞三宜乎
赤紱紛來青衿競集兕觥手進共陳曼倩之歌鸞靡眉齊待補
奚斯之頌某等橋門聯步陞桓借趨久知模楷之堪型況翟晉
莪之式化此日材培

壽寓樹人之計在百年他時秩晉台垣宴叟之榮逾九老卮詞
特衍欣逢化日於恒春鼎席旋登願溥甘霖於函夏

卜棲霞年伯暨孫太恭人七十雙壽序

皇帝御極之二十有四載紫宙臚懽黃圖效祉慶

重熙而握鏡鳳鳴吹十月之筭慶

曼壽而剡觴虎拜上

萬年之頌

丹綸特沛賚周鶴髮於寢瀛

紫綉優覃錫溥鸞章於察察時則我棲霞年伯暨德配孫太恭

人歡怡瑤署

恩渥金坡

天庾邀頤養之豐仙館備清溫之樂板輿共御象紳借翟莠齊

輝蘭膳載陳鳩杖與虎符並耀甫值

六旬之慶誕禮恪呼嵩旋逢七袞之揆辰心殷舞綵

釐扉虔祝崇

聖節於

萬壽

千秋鴻廡懽依懋家瑞於一堂三世與其治者二千石宜上承
錫福之隆祝生佛者數萬家遂益著顯揚之盛斯固徽流愜史
咸瞻璿閣以趨鳧允應床紀嘏辭敬佐瑤觥而稱兕今夫桂森
燕嶺巍科擢紫殿之班槐值王階偉烈和丹樞之鼎凡厚澤爲
羣情所仰必瓊材當奕代而興我年伯德邵何夔風高袁粲誼
敦葦葉滿籬分疏廣之金情篤葭莩李盈橐給李藩之粟加以璇
闥勸善篋徧倒而無辭珂里邀恩珠縱銜而莫報蓋年伯母潤
繁式訓箴管修儀卹臧獲於王家約無苛立留嘉賓於陶氏味
每親調慈惠徧逮乎嫠嫗洽睦咸孚於媼黨馮揚之家多隱德

宜翫丹雘考父之後有達人當紆紫綬是以寄漁大兄圭璋植
品琮琬垂聲論才久企乎蘭臺觀政伫臨乎蔀屋而我雅堂同
年學遠珠船詞恢珊瑚桂宮翔步名登杜牧之先杏苑簪毫第
擢邈詵之上進雲司而拜秩

帝知范百祿之才握冰鑑以衡文人仰張九齡之度華資屢轉
平雀角而風清

醜化待敷擁虎牙而望重

天子於是沛絲綸之命畀繁劇之區謂汝南爲財賦鄉祇崇遷
克當是任河東我股肱郡非季布莫稱其才故銓衡不自外推
除授獨從中出沐

鴻施之逾格

君臣遇盛雲龍瞻虹旆而遙迎父老歡借竹馬洵藉庭殷訓鯉

蔚成黼黻之猷亦由九篤咀熊丕奏舟霖之績者也且夫象笏
羅庭多壽宜膺多福羊珠益算大耋必有大功是以朝俸優加
帝獎賈逵之養親齡特錫史褒王薦之賢溯安臚迎侍之時正
劇郡管符之始燃犀炯炯能窮旁午之繁苛斷鼠巖巖不挫庖
丁之鋒鏑固已新猷聿振舊習旋更迺當闔茂之紀年忽值蘊
隆之兆沴雲羊斂影石燕羈翔龍塍圻而雁稻枯鱗波澗而雀
舫阻雅堂同年軫懷民瘼幹濟時艱眷鍾親臨濬長渠者一千
四百餘里旄倪徧賑活災黎者百二十萬有奇歡聲聞赤子之
騰良法荷

紫宸之獎他如花堤載酒勸農埒盛於張堪草檄驅邪毀祀齊
功於仁傑廣嬰堂以徧育規畫彌周首蕊榜以雙題栽培素渥
勤宣赤繫孫道夫蜀郡之風感切蒼生富鄭公青州之政豈獨

廉能慰母勳高陶鮓之遺惠足怡親德美范舟之贈所以輿歌
載路兼謳燕翼之仁繁祉膺天長衍鶴籌之算也至若商皓傳
歌未聞纂集孫嘉延算罔解摛辭高谷隱以干春單豹第標夫
清尚餐仙脂以百秩趙瞿罕託夫謳吟雖皆齒德之超人孰擅
文章以壽世年伯則金銘搜奧玉券窺奇叢編釐亥豕之訛彝
器覈丁雌之謬文披菑菑駕屈宋於騷壇詩浣薔薇較徐庾於
詞苑昔日噪聲璧水若許叔重之無雙卽今抒興璇堂猶顏延
年之少兩以故出扶風之帳俱看餅啖紅綾讀太冲之文遂使
紙昂青瑣億齡寶墨觀之如景星慶雲一代偉詞學者仰泰山
北斗將見漢張蒼百有餘歲字學尤精唐鄭瓌九老成圖詩才
倍富而況政通效績魯敬姜訓更曾聞學佐鳴機宋宣文經還
能授豈待丹砂啟錄長生足並夫樊劉卽看黃菊延齡盛德共

推夫陶翟也方增等鶴班倖列麟譙欣逢心儀葛鮑之徽名附
裴黃之榜觀化而謳卓茂允推

盛朝褒德之侯擁篲而拜伏生預期他日傳經之歲萬石君萬
石嫗華咳之莆祿長綿八千春八千秋

壽寓之恩暉廣被

喻引山太守暨洪恭人六表雙壽序

粵自星浴扶桑阨南郡而分江夏峯蟠卓碧析西陽而屬斬春
周百七十里之廣輪滙三十六泉之形勝每見神興河嶽才助
江山麾鐵騎於鄱陽康國公建牙關隴移金戎於大獲余安撫
築壘巴巫蕃牧馬而峙芻政宣吳節折乾魚而改稅治最刑寰
蓋地勢盤紆清淑久鍾於獅嶺故人才軒起勳庸悉炳於麟臺
而迺赤土分坡凝禎倍厚白花拓阪擢秀尤奇協長庚入夢之
占應科甲游街之諺續頌聲於洪令檄符散礦洞之蠻埒威望
於曹公桴鼓息邯鄲之卒則尤朝紳紀績郡版書賢況復庭舞
駕衣近毘思姑之巷度經鶉尾遙連須女之躔固宜荃璧揚芬
慶齊年於吉耦蕙楊誌瑞登上壽於康時矣引山先生銅樓毓
俊銑社抽英身爲四嶽之雲言作三時之雨六匡駕閣氣耀驪

珠數似聖牆道光麟玉掇馨綠藻蘭成射策之年拔萃黃茅寶
掾還金之歲遂乃盤餐苜蓿籠集參苓地當鄖國之遺人習楚
風之競先生琴箏五典黼藻九流談龍威靈寶之篇證昌僕彤
魚之譜虎皮授易座壓東陵槐谷安徒市逾西華出李膺之門
下士盡龍蟠入馬融之帳中才俱鶴立旣而刻章特薦輿誦交
孚蒼生久望東山赤舄遂飛西郡則有鴛池鳳峪山近波羅毳
服羊裘境鄰鄂爾錯犬牙而地雜鬪蝸角而心雄非同柳葉稱
玉渺蒼波於重譯蒲桃疑塞限黑磧於殊庭使或撫馭稍疎羈
縻未善易啟呼韓之釁難堅頡利之盟先生布以腹心聯其唇
齒教休屠以習禮聽盤木而登歌博袖寬衣蔚起冠裳之俗腥
醅羶酪懋敦觴豆之儀如鄧訓之馭燒當恩淪父子若高車之
畏陸侯嚴慄冰霜使可汗其識尊天知中國原無分土迨夫關

內分符瓠中緇綬介涇峽孤橋之界有鄭國龍洞之渠鑿自始
皇穿從元鼎符堅引瀆噴珠瀑於駝灣黎幹疏流瀹銀瀾於馬
道洎熙甯而採石堰築將軍越至大而編困渠環御史久已漑
資龍隔潤涸鱗滕第六斗泥淤積衝砂而易阻千盤路隘東迅
浪而難安水因時塞而時通功遂旋成而旋毀惟

世廟龍綸特沛發內帑者七千

高宗鳳綽重頒拓長堤者五百顧年輪戊午六紀周星而續續
辛壬一州待澤先生復厚捐鶴俸廣勸鳩工石同伯翳之焚山
類巨靈之擘築蓮花而定碣做瓠子以圈囿沃野流甘豐年誌
慶二千頃田滋朗郡右史儕勳九十里水引樊陂考功媿績白
渠舊濬不堙酸棗之波翠碣新磨定號甘棠之堰且夫負魁碩
之福者履重險而如夷具淵偉之才者遇非常而不懼故王式

浚壕以却敵景仁閉壘以殲戎憶龐公驥展之初正張寶蛾屯
之始時則紅羊釀劫青犢興祇僕年月日時之皆辰分黃白青
藍而出甲起褒斜以鬪狼趨留霸而當衝塹不限天險無沒地
勢鳴張而益逞聲塘沸而尤洵吏盡視爲畏途民共憐其焦土
先生身驅熊軾手握豹韜百仞以畫鴻溝三旬而成雉堞鶴鵝
軍出豺虎聲消扼全蜀之咽喉擊么麼之腹背卒使梅錄識豐
州而不動庾域守南鄭而無譁猛士當關視賊如一塵絨芥良
民安堵倚公似萬里長城千夫和柝鼓之歌十丈勒摩厓之字
於是大吏聞聲將軍動色檄劉秩以參武帳表郝超而領戎旂
運幄內之籌但知崔說轉關中之餽兼恃蕭何先生慮密煉銅
威申焚玉聚馬援西征之米虜在目中量道濟北伐之沙運諸
掌上故能灌同穴蟻烹比鼎魚首禍者百餘人早看膏斧抗師

者廿萬眾莫敢當車而且降卒毋坑習從罔治爲楊行遷之虜
豈望重生作賀若弼之俘竟蒙全活隱種于公之德高侔許歷
之功乃復有猷有爲不矜不伐榮陽公力辭叙錄平原史屢讓
遷除然而八座交推已名記

御屏風上六雄報最特

詔移甘浚山前蓋以板笮臨邊居延控海斷匈奴之臂飲月氏
之頭禿髮遺疆慣吹虺毒昆邪舊旅未革鴟音故河湟僅休瓌
能知而巴蜀非文翁不化先生乃下車問俗憑軾觀風院幕嶽
麓之碑館仿清湘之墅鱸堂闢舊鳳梅輝新拔散材於檣櫟之
中挾醜澤於菁莪之內聽玉門之鼓角盡化弦歌銷吐谷之戈
鋌但留文字兵閒日勒久無出塞之師人過天山但見橫經之
士星辰聚而祥鸞翥風雲會而威鳳翔揚修文偃武之休貽蹈

德詠仁之樂由是澤流旁郡爭思以買姓呼兒化溢鄰封共欲
以杜公爲母疆吏允羣黎之請使君移五馬之驂遂領臯蘭爰
司符竹攬烏有問里胥憚黃霸之明磔鼠無寃星使服李斯之
斷爲京兆雖逾五日願寇公更借一年

天子知龔遂之賢獎張堪之治召從遠徼畀以近畿謂河東乃
吾股肱惟季布克當是任汝南實朕心腹祇崇遷不愧斯行故
銓衡不自外推除授獨從中出他時建纛膺數十州節鉞之榮
此日扶輪敷十四邑蒲鞭之化若廼牽絲彭澤傳翟範於提筐
持節武平誌鄧型於輸稅漢家司隸心傾德備之詞魏國卽官
智闢情求之論丹陽尹諫曾從習太平令謀或前楊由來循吏
之名多出賢媛之助德配洪恭人蘊華珂里儷德瓊楣慈惠逮
於嬖媼和順洽諸端郤樞間飼馬善佐官清城上聞烏還隨吏

孝況乎晏嬰之祿待舉火者萬家陰慶之圍執義讓者數世每
衷多而益寡遂積厚以流光九曰菴百曰頤堂上奉錦羹之養
一索男再索女階前看玉樹之森修瑤笄於月中花舉桂苑紆
華紳於日下草視薇垣陸仲元四世同堂韓子華一門競秀此
誠山環茅栗廣階佳談城繞菩提爭哆瑞事矣茲者安榴吐馥
酈鞠揚絃擊鈴閣之丹麟撓干周甲集鷹房之青鳥娥景同庚
黔首臚歡拜神君而鞠脰麗眉衍慶頌壽母而刺觴某等名附
斐黃心儀萬鮑公八垠以製曲儷十賚以摘詞湖攜琴於錦繡
川邊政成三月看舞綵於蓬萊島上光燦雙星立德立功立言
垂河山而不朽多福多男多壽綿日月而無垠

二舅父暨舅母朱夫人五表雙壽序

粵惟武鄉拜爵標懿行於河南棋墅紆紳儷芳型於江左扶風
織錦千篇則圖合璇璣粟里栽花三徑則隱借松菊斯皆德輝
篠簡賢著蘭榜久聞揚美於鵷圖莫紀添籌於鶴算卽至砂餐
句漏庚申守葛鮑之丹璫奏層城甲子衍劉樊之籙然而長生
授訣詎必齊年借老賡詩祇期上壽未有麟筵介景同開度索
之桃鴻廡臚臙共進安期之棗者也惟二舅父篁墩衍派梧里
蜚聲堂高鶴跼之葦家近鳳鳴之埭綠籤插架本推立雪之門
青軸盈箱況是坐風之室張安世識書三篋李長吉琢句千囊
譽久播乎龍文行其聯夫鴈序吟成黃絹低徊則夜月推敲解
任朱提慷慨則春風投贈是以覩郭林宗之清峻望亦如仙憶
黃叔度之汪洋見而消鄙凡此星雲之景慕允由圭璧之敦章

況復柏子焚香桐君披錄典授靈蘭之秘術搜仙杏之精珂里
爭傳分刀圭而輒驗金臺甫至邀車乘而靡間陸忠宣喻活國
於活人仁流紫宙范文正比良醫爲良相功在蒼生斯猶餘藝
之優彌種好生之德然或禮榮翟芾乏瑤寢之坤儀詩詠鵲巢
鮮瓊闥之異化霏清談於步障祇詡解圍緘錦字於瑤釵徒工
寄遠將煒管之箴罕紀卽芳荃之譽疇揚我舅母朱夫人望表
瓊楣訓嫺璜闥獻瑞椒花之頌習儀苕菜之篇佩蕭雞鳴羹親
奉錦繡工鸞譜針豈誇金却明珠翠羽之華時勤斫膾承象笏
瑤珈之盛不吝貽困所由惠著燔羊比美汝南之李聲高挽鹿
齊徽魯郡之桓若乃輞川別墅供摩詰之吟哦剡水閒居快季
眞之嘯傲陸魯望江湖散跡筆牀茶竈之間張志和風雨浮家
霽水茗溪而外則有嘉禾勝地構李名區時深放棹之思足副

支筇之慕暖紅十里晴融駕水之波輭翠三篙春滿蠡湖之漲
問生涯於鰕菜繡堰徵名拓世界於鶯花及山移址園論買夏
地足沽春翡翠窗開對樓頭之煙雨鷓鴣杓供怡座上之琴樽
然而裴公綠野原爲攬勝之區董子青雲足稱下帷之地颺河
東雛鳳原竊薛氏之三飛冀北仙嶼還駕劉門之兩師延絳帳
才埒馬融神降黃衣經通劉向小宋擢丁年之選彙拔連茅大
蘇承子舍之歡潔吹華黍桐枝衍派含飴綿弈世之床柏葉鍊
容益算譜同生之曲鶴原念切重聯陸解於東西雀廈歡生不
隔阮邨於南北廼者揆辰同屆熟西方逢麟編披作噩之祥鳳
瑄轉昭陽之律篋雙星之繁祉杖未扶鳩騰三祝之懽聲觥齊
酌兕趨枌榆而賀燕集慶瑤珂頌松柏而吟鸞揚芳鏤管爰廼
編蒲作牒畫荻成文壁經多口授之辭瓠史半手鈔之本啟晏

求聞過齋文集

卷四

巽

楹而添朱墨勉讀父書張宋幔而付青藍親兼師訓迢迢午夜
珍同掌上石麟漸漸丁年愛勝懷中玉燕洵東觀遺書所未贊
亦北堂往訓所尠聞茲者犀角崢嶸早諧鳳卜龍媒蹀躞長抱
烏私進蘭膳以承歡舞萊衣而繞膝詩賡曼壽無須鄜縣甘泉
曲奏將雛不羨湘陰清磬行見蓀庭鵲起丹樞綉燕喜之麻仁
看好樹鴻鸞

紫誥煥鸞回之字抽毫燕邸鶴正南飛引領安山雁將北鄉紀
庚辛於皞序八千秋遙進螺觴同甲子於撓干六十歲再開麟
讌

公祝朱母吳太宜人六袞壽序

粵惟亥步分州屺錦墩於望虎卯金析郡躔璇度於牽牛綠水
瓊樓仙女弄珠之館碧岑琳殿神如浮木之宮疊秀巒於青螺
巖題萬歲曼纖歌於黃鵠坊紀三貞蓋河臙傾脂久擅禦兒之
勝堰環學繡原鍾須女之精宜乎毓粹珠楣凝禎璜闔蕙樓蜚
譽才儷陳椒荃璧傳徽德侷歐荻紅綾啖餅庭鸞丹鷲之毛絳
雪餐膏堂壁翠麟之脯如我同郡朱母吳太宜人派衍由牽家
鄰濠股仙源近接劃羽扇而分波賢胄遙徵聽箭韶而訂樂祖
給諫公獻嘉謨於豸服薦才升兩廡之馨艾廣文公宣妙講於
鱣堂育士溥三江之澤太宜人翠瓔砥範煒管修儀巧握驪珠
軼羸女鵲羅之咏艷摘虹玉陋莊姬龍尾之謠湖宿鴛鴦度金
鍼於繡卮洲飛鸚鵡啟玉鏡於瑤奩其歸我薊圃先生也瑤珈

絢采乘龍而地近龍湫玉筍傳經駕鹿而風承鹿洞抱鴛鴦於
璇闥嗜任吟星勻螺黛於瑀牕點曾留月翳幃不蔽無妨謝傅
重窺塵柄雖持詎笑王公九錫遂乃藹哦縈葛賦縣瓜赤水
三珠藍田雙璧丹熊疊兆怡符寶桂之名翠鸚重徵更挹左芬
之秀出璿源而各異愛自均鳩森瓊萼而皆同好常諧鶴加以
羹調錦帶歡洽小姑衣疊香羅恩周猶子瑀盤鳳鏤時修南澗
之蘋華角鱗排許撲西鄰之棗固已典裁程曉徧長泖而騰謳
箴撰裴頡匝雅山而播譽矣然此猶宜家之恒軌友瑟之坦途
雖揚珂里之芳聲未盡金閨之碩德今夫書遺隴右絨情徵徐
女之賢金贈淮陽潔灑表陳姬之孝境以睽而轉合味因苦而
回甘自古皆然於今爲烈太翁藥房先生誼篤棣華跡羈綿竹
雲飛劍閣武侯籌筆之營月落瞿塘司馬題橋之墅四千六百

里盼越燕以傳書三十有七年聽巴猿而下淚惟時薊圃先生
烏私切慕鳥道爭趨蠟屐天涯遂別黃盤之峽乘槎江上爰尋
白帝之山經地險以百盤叙天倫於一日龐眉鶴髮慰許渾憶
子之情渝舞狼歌製王鞏侍親之曲然而歡承愛日雖陟岵而
蠲憂心戀慈暉轉望雲而馳想所賴鴛闈定省代囊負米之勞
鳩杖追隨少釋倚閭之念乃太宜人之奉高太夫人也顧鸞影
而俱離聞雞聲而卽起話團圓於他日景慰桑榆劬溫清於平
時職修棗栗風前斫膾膳供慈竹居中月下鳴砧衣寄錦官城
裏丁年分鏡暫睽鴻廡之緣午夜焚香默額雞竿之信旣而吉
詞預卜喜訊爭馳反王粲於山陽歸陶潛於栗里喧傳父老將
信猶或將疑笑問兒童相見俱非相識鄉音未改入門而烏雀
俱懂家讌重開繞座而鸛雛畢集此皆太宜人孝可格天賢能

勵俗一堂聚首三世介眉蘆蒲拘枝紀美譚而莫罄蒲山鑿石
鏤盛事而堪傳况復陶母芳型更著含熊之訓于公隱德宜光
容駟之門以故四鳳聯飛並攀芳於璧沼一彪先啟早延譽於
金坡椒堂夏部才茂掞天聲高擲地摘榜花而第一蘊經笥以
無雙桂宮看月斧之修杏苑聽霓裳之詠睢司特領顧宏璋之
通材鴻典專修班孟堅之博識公卿交薦陳豹牘而褒勤察案
爭師覈蚪文而證古分

天庾之玉粒蘭膳遙供杭海國之銀槎板輿未奉

鸞章煥采九霄榮

芝誥之頒鶴算添籌千歲慶護齡之茂乃太宜人以為王鳩初
試齒尚殊鯢吟鷺方陪毛還愧鳳家登庸行本無奇節之稱世
守素風不藉繁文之縟顧某等孟鄰幸接鍾範常欽傳慚蜀尚

之編頌慕奚斯之獻旃蒙昔紀怡逢周甲之祥單闕今諏補衍
揆辰之嘏人間金馬樂奏雲璈天上石麟綵拖宮錦三千里辛
癸飛獻如親鸞悅於西池七十年亥字重書早被翟衣於
北闕

徐母許宜人六十壽序

粵維歲肇旃蒙奮軋詮於漢志時逢端始履長紀自周書星中
東壁之躔璿樞甄曜日駐西池之景繡綫添紋變玉律於黃鐘
子原初兆獻瑶卮於翠水甲正方周惟徐母許宜人悅結鸞綰
筵陳麟脯韻諧鳳竹雲璈傳紫府之音綵舞霓裳星彩煥彤闈
之色吹一十二之葭管北陸漸轉三陽算八十一之花朝南至
纔逾五日靄蘭階而吐馥柔荔抽丹蔭護砌而舒芬芳芸展綠
祝釐瑤室宜陳駘背之詞紀嫩金荃特表鴛闈之盛今夫賢推
德耀族異簪纓才說紹蘭家非棗戟縱徽音之足述究譜牒之
未光而宜人則高陽望姓雪水華宗漢代通侯曾錫耶金之爵
唐家刺史還編丁集之詩綬管虎符王父流豫章之澤篇裁鸚
賦高堂蜚贊序之聲所以饌玉炊金久揚休於閭閻明詩習禮

求聞過齋文集

卷四

吳

早播譽於盤區也亦有冀缺借耕終棲雉隴王章其卧常擁牛衣則彤管可卽揚芳而禕服無由表德爾迺鳳繇乍卜卽看桂萼之攀鸞鏡方圓已報杏花之讌珊仲先生香含華省遂挽鹿於長安草視薇垣恒聽雞於曝直迨深甫持衡瑣院使奉皇華辟疆進秩司宗命銜僊闕五花璀璨疊看

鸞誥之頒八座尊榮共仰魚軒之錫若乃名傳鄴下祇說雙丁望著河東僅聞三辟蜂腰致誦周昆未必俱賢龍尾爭誇荀氏或非同母茲則酥酪原無兩味填篋本合一音較桂樹於燕山美哉得四比荆枝於京兆允矣逾三青鏤摛詞文采則齊鏤賦轍紅綾啖餅科名則方駕郊祁或飛斗域之鳧毛生捧檄或設星潢之帳馬傳傳經或才似張憑仁入天家之選或賢同郭泰久揚國學之名並濟美於棣華其承歡於蘭卮至若筐投彩鳳

僅紀麟祥窗舞翠雞不占虺瑞著書少助誰遺班史之芬詠絮
無人亦減謝庭之色茲則工唵鮑若有繡閣之僊姝妙選褰牀
得玉堂之華胄釵絨翡翠芳椒本說徐媛鏡兆芙蓉及第原稱
李固又或瓜雖縣陔桐未生枝比郭相之點領美猶不足方李
公之披簿盛竟無雙茲則鄭通德早有小同許延族已生彥伯
丹山鳳羽五采頻鸞赤水驪珠九光疊孕森如竹立旣增繞膝
之懽藹若蘭薰復極含飴之樂而且家多韞秀俱奉母儀室有
少君能諳姑性華堂侍膳足隨養於鴛闥晝寢承顏可優游於
鳩杖迺復一簾樺燭猶拈僻夜之鍼五色機絲常效敬姜之績
王夫人安居繡闥不廢持籌宣文君高擁紗幮還勤講學至於
留嘉賓於陶氏味每親調卹臧獲於王家約甘苛立葭孳篤愛
饋周戚里之貧葛藟縈情恒濟宗支之困貸一簞之仁粟飯同

求聞過齋文集

卷四

三

給乎翳柔施千襲之寒衣綈勝遺平范叔闕中勸善原倒篋而無辭閭外邀恩卽銜珠而莫報德云盛矣福莫備焉況乎月方屆戊己彰吉戊之徵日更逢辰合上揆辰之祝啟東華而受錄案永偕鴻乞南斗以註齡算長添鶴某等文慚十賚頌效九如桂苑秋高幸附裴黃之榜蘭陔春盎夙瞻鍾郝之型三千年果熟金桃六十歲花開鐵樹此日北堂設帨看行玉女之觴他時南極懸弧更舞金仙之綵

張母呂太恭人七袞壽序

粵自疆分九域巡方駐周穆之驂關挾二臺望氣誌李紳之蹟
匯八景之秋雲曉月清淑攸鍾區六鄉之鴈峪虎溝貞賢迭毓
境恢佛界觀音積特聳奇觀山闢仙蹤夫人躡亦標名勝是以
綸褒石晉榮懿範於清河封錫壽昌懋芳型於夷里固已勒華
珉而流譽書焯管以揚芬况復澤衍瓊闈慈澗之韞禎未艾福
儲璜闥穀川之衍善方長宜平荆紫峰邊象服表賢媛之德桃
紅日下鶴觴斟壽母之筵如我張母呂太恭人詩禮華楣纓珂
盛閩鍾秀本填星之域旌孝義而代縮儒紳詒謀溯夢月之巖
襄忠敬而家承理學少嫻箴管紫霞園之祖德能繩長習繫絲
絲雨灣之先芬久誦豈僅篇吟謝絮獨推道蘊之清才真教史
續漢廷預識惠班之後福道歸我年伯也緒纘南軒家移東洛

錦衣拜爵衛左所襲貂珥之榮綾餅題名隴右郡沛虎符之澤
芹芬遞衍知奕禩當有道人椒頌爭傳欣此日遂聯嘉耦儀修
棗栗承歡空憶雞鳴事理齋鹽習儉何妨鶉結分巽離兌爲三
索屢徵翠羽之祥合功德言於一身遂毓丹麟之俊趨庭訓鯉
啟秘緘於鴻寶龍威撫案丸熊期清望於鸞臺鳳閣我幼軒同
年以李嶠之禱冀爲蕭宏之家督瑯琊證稻京兆折蒲禰正平
一覽不遺裴誡之五行俱下詠霓裳於杏苑正陸機作賦之年
絢宮鐫於蘭陔方石建臚歡之日鏤聯瀛島七十餘人之齒獨
數韶齡簡肆

國書一十三字之頭徧通真義此固才雄吐鳳傳經原藉韋賢
學遠探驪畫荻兼資歐母者也旣而難斯抱憾烏哺紫微析薪
之尚難忘持節之迎猶待

彤廷染翰

帝知裴楷之清通紫綬分曹人識楊凝之廉直班六官以居首
慎一介以盟心捧日忱殷望雲情篤太恭人喜蘇瓌之有後念
韋逞之在朝山別黃華馳板輿於響鈴寺畔

詔宣丹闕耀笄珮於鳴玉坊前馮少傅遂祿養之心崔奉常慰
導迎之願然而業隆柱石必厯試而攸宜望重巖廊每交推而
弗置蓋毛玠能公銓柄已如操玉尺之平況歐陽當主文衡早
叨抱冰壺之鑑遂乃

龍綸特賁鳳節遙持恢珊網於牂牁炯金鏡於羅甸時則太恭
人御星輅而其涉馳雲驛以遄臨夾道人看共羨起居之八座
彈冠客慶兼叨慈蔭以三年情恰狝草獐花間開樽酒勝攬烏
司龍尉徧閱山川及夫繡服還朝綵衣侍膳轉鶴廳而進秩

眷渥宸樞膺鸚薦而

宣綸職權通潞太恭人謂飛芻闕

天府之儲釐弊實

朝廷所亟窠名積蠹慣詭飲魯市之羊綱權滋羶倍勤訓陶公之鮮所由萬艘雲集懲卮漏而恤疲丁十禁風行儆篋飭而嚴令甲吳隱之清能勵俗宜揚西晉之名崔元暉潔矢戴天實秉北堂之教於是續熙三載

獎懋九重名

特記於楓宸

恩屢覃於護肥太恭人益懷謙抑彌勗忠勤分晏粟以惠嫠嫠山疏俸以資姻黨敦本根於葛藟珂里爭謳儲班秩於棘槐金章游被固宜虎牙熊軾仁膺旌節以娛親慶脯羊珠長煥翟榆

而益算方增等誼聯嵇向榜附裴黃績效而仰姜型饋却而欽
孟範溯十二干於協洽怡逢書亥之齡展重三節於沼灘補介
揆辰之嘏卽官上應列宿效觥稱而歡侍媼星兒孫羅似衆山
卜館舍而神生崧嶽懋乃德嘉乃績帔冠待

瑤殿之頌熾而昌壽而臧鐘鼎極璇室之奉願令子爲蒼生霖
雨億萬家恩庇慈雲喜芳辰值

紫禁和風八千春暉瞻愛日

舅母姚夫人五秩壽序

謝公墅畔羊曇蠟鳳之場王傅門中衛玠牽鳩之地假使評松
頌栢節遐篆以揆張鏤菊銘椒逞曼詞而修禊則駕鹿之惜儀
轉略九熊之慈訓疇揚縱紫錦裁囊何闕彤管卽緋羅儼冊莫
侑金壘恭維舅母姚夫人派衍翠媿閨高白芷風範則韋歐儷
席芬華則左鮑齊鑣遇喻卷心黃鵠鼓天邊之曲味甘蔗境青
鸞添海上之籌時則度索桃紅曲阿桂綠甲書鳳紀西轉鳳簫
壽星剗耀於璇雯娥月平分於瑤闔五徵地數爻合占坤十衍
洛書卦甯象劫讌山亭而賡瑞榜典記芳辰游月府而唱霓裳
曲傳令節欣觀蟾圓之景慶徵鸚誕之祥固宜筆珎螭頭祝釐
護寢詞陳駘背揚嫩全幃然而莊淑主之芳型人難盡述宣文
君之令範世豈周知畧舉大端聿彰盛軌昔安東絡秀僅習食

經常郡靈芸祗精繡譜班婕妤好誦文師德象未學簪花趙夫人
畫方岳江湖詎工咏絮舅母則慧心珠朗淑行金貞承纓笏於
安成紹縑緇於文獻字姦妃豨之異文釐帝虎之譎銀鳴宵薰
筆牀在手銅盞晝滴硯匣隨身久蜚藻譽於機山夙擅雕華於
滬濱況復鳴璜節步問寢修儀篤鴿原而響續班昭持麟管而
芳齊宋憲彌扇陔蘭之馥益添樓夢之芬洎乎鴛鴦桐溪鴻借
梁廡梅花涇外雀舫同浮桂蔭軒前烏絲互界紡磚甫輟便吟
紅燭雙條璘藉初間戲寫黃庭一卷擬惠妃作小山之什爲託
香荃仿茂漪書大雅之吟宛然芳桂益與我舅父琴鸞翁調齋
鳳諧聲蒨竹怡情笑酌紅梁之醞看花託興歡題黃絹之詞出
山遲安石之行

龍綸早錫攜榼異淵明之隱翟莠親邀豈徒句入蕭樓才凌謝

砌而已哉加以荆階式好鍾範交欽梓里薰良孟型爭仰出園
中之粟媼恤葭苧分篋內之金族敦葦葉固已庠揚紀竹化感
榮藟乃復撫劉湛之甥許阮韜爲最貴篤姚崇之誼餉任異爲
尤優憶方增自綺歲登堂龍文謬獎迨茂齡奪錦鮒轍叨滋定
省慚疎每迓房景真之母趨承幸邇常留辛懷遠之兄斯則測
蒲類之津較恩尙淺陟須彌之粵儼德猶卑而乃嶽頂羸松節
爲飽霜而顯江頭舜竹名因漬涕而傳當方增雞斯枌社之時
正舅父鶴返蓉城之日跨仙虬而有詔空思延紀於東桑甍人
鳥而無香枉冀顛齡於西竺磨笄長慟誰憐獨活之枝總角堪
憐剩有側生之荔縱聆呱而太息疇代哺以劬勞舅母則忍淚
搢閭銜哀撫息謂秋蘆非絮詎消冬日之寒況春柳生稊已墮
朝雲之偈方增身依日下情篤渭陽同居雖異韓康均愛無殊

蕭勵愧思道獎封倫之識可列公卿比李晟撫王佖之恩真踰
子姪辰垣倖值十八年看

鳳紀之頒庚會欣逢三千里效鶴觴之獻天數五地數五怡符
五秩之祥春八千秋八千並介千齡之嘏

外姑徐太夫人六十壽序

懿夫引達爲寅歲鑰轉蒼龍之紀豐懋曰戊月簡調紫鳳之聲
象瓊籙於東華仙籌添鶴懸銅鈺於西陸賓館來鴻漢銓畢入
之期獅蠻待琢唐誌平成之節蟠朮初生惟外姑徐太夫人綵
悅襄階瑤卮厥席擊翠麟而進脯舞丹鸞而鳴璫幹衍游桃周
大撓之甲子度纏旦柳紀少皞之庚辛鞠井蚪黃紉玳筵而吐
馥莢房暈綬瓊卮而舒葩固宜筆珥螭頭祝釐護寢辭陳駘
背揚徽荃幃然而鍾東海之芳型人難盡述曹惠班之令範世
豈周知略舉大端聿彰盛軌昔文伯之母譽未播於初笄冀缺
之妻族不詳夫華闕外姑本石麟之裔徵翠鸞之麻室有牙籤
家多金穴伯仲則相承縑素祖父則俱列膠庠乞南斗之齡椿
諫綿算爛西京之法椒茗傳芬固已孝軼李娥賢推徐淑若迺

伯奇野放曾遺憾於掇蜂鮑永山居亦驚心於叱狗毛緣非屬
顏每難承外姑則曲慕姑恩篇遵女典佩珩璜而儀肅施馨裘
而聲怡鯉膾姜鏘誠通泉涌雀登王籙誠感刀砧宜乎蘆不虞
寒黎無求熟慈雲善庇長平一於鴈鳩愛日歡依倍纏綿於烏
鳥夫河南懿行成於武鄉海隅高風偕乎文度我外舅貯雲大
人瑤躔降彩銑社毓英感上留田受辭包之春產慕崇讓宅築
節度之華堂而迺誼篤如雲德高於嶽孔融半世常惜窮交方
干一生終艱巍第鯤將徙而水涸鸚屢薦而風回外姑知盧令
文高山瀟度勝黃金臺畔勸孖射策之才白玉樓中惜赴修文
之召藏茂陵之遺集五百餘篇共梁廡之芳辰三十餘載則有
博陵雙鳳平輿二龍古美象賢今推競秀我菊溪晉階兩內兄
珠光竝耀璧彩齊輝列郭泰於成均游正元於鬢序桂宮秋夕

月斧將修杏苑春朝霓裳仁咏鶴原濟美一門遵畫款之型

鸞諧增輝八座錫

宸楓之寵至若聚書能讀貴王顯之有孫留硯堪傳藉范喬之
繼祖當夫鯉庭弦折鴛寢飴含茂挺三齡詩還解誦香山七月
字早能知人其愛其鳳毛我欲呼爲驥子迨夫雙絲同引得鍾
郝之承歡九苞疊鸞見侃儀之繞膝而且鷓湖樓迴雁浦亭閒
小有池臺多栽花木亦可扶玉鳩以廷賞坐畫鷁以怡情迺復
宵篝東緝曙館支機衣高再澣之風肴減雜陳之味至於調劉
歎之從弟貧宦牂州敬蔣侯之小姑貞褒彤管鄧叔乃張洙僚
壻姻婭情深郊鑿爲逸少妻兄同懷誼篤斯又德徵睦族化著
型家者矣且夫曹大家之誠女劉向每切揚芬苗夫人之館甥
韋臯尤爲感德憶方增自蔣防綴賦之年充郭震牽絲之選座

中碧鶴竊擬裴寬廐內青麟幸依杜廣無何西樓桐葉南國桃花雉感朝飛蟾悲夜蝕靚青琴而無日化紫玉以爲煙庭銷聚窟之香奩贈瑯琊之稻此燕公盛德待鄭鑑爲尤優亦徐母慈懷睠王濬而益摯也獨是終軍二十未遂請纓崔鑣五千敢云入室在李晟之遇張或禮或因衰而王當之愛姚崇望而輒賞遂乃字謝安之兄女聯永叔之舊婚嫌自織新劍仍索故感潘孟陽之母預識綠衣恐皇甫泌之才終慚紫綬旣而陸機入洛久別雲間李嶠應官長居日下三千四百里地畫鴻溝二十七卦書天飛雁帛加以越綾蜀錦楚橘吳菹惠同慈母之衣賜並中朝之果環銜靈鵲倍覺情殷山戴巨鼇未如恩重恒望雲而翹首欲奉竿以介眉猶復翠水途遙僅通青鳥紫微天近莫馭斑麟其曼倩爲同僚將親見於瑤池會上與庾登爲友壻未並

拜於畫錦堂前所願安期之棗頻餐度索之桃長茂子擬三
明七穆齊舞綵於璇階爰爲二首六身再稱觴於瑤島

外姑張太夫人六秩壽序

粵惟裴頡駢玉魏豪題荃壁之箴程曉編金麟髓緝蕙楊之典
卻瓜歸茗鐫嫩若華凝柳陳椒蜚馨篠簡然而釵緘徐淑匪感
嶺楓鑑燭李娥未修澗藻擘丹熊於陶牖誓異封羊績翠爾於
姜幃聲遺挽鹿而沉巴懷清之後莫誕龍文梁高行之先罕紆
麟綬鵠歌垂響不劑酈井之花鴻廡傳芬罔畫歐庭之荻越稽
往牒僂數前徽未有咳旣循蘭舟重堅柏毛雖各屬從無酥酪
之分齒更長絲早受翟褕之奉者也惟我外姑張太夫人鸚洲
峻閣牛渚華楣博望扶珪譯白狼於西域安昌綰組賡赤鴈於
東溟博矜典午而賦鷓才軼意辛而詠鵲世煊象笏代煒瑤珈
河山之靈氣重鍾天地之大文再著十二載對椿庭之策
金陸摘詞百八聲鳴護死之環玉堂衍胄同枝韓鄂餐首瑯漿

奕葉倚蘭華。芹璧沼。窺璫雲以訂譜。象久炳乎星辰。頰璜闔以揚徽光。自爭乎日月。蓋其儀嫺箴管。德琳盤絲玉。篋釐帝虎之文。錦贖覈妃豨之篆。纏葡萄而組綺。梭託龍翔。績茵沓而裁練。鍼睇鴛度。盥勤雞喔。徧鳥港以騰謳。窈慕鳩關。匝蠶園以播譽。洎乎弧諧屏雀。軫翕琴鸞。曹大家夙擅貞規。宣文君聿垂碩範。然徒委舂紀。軼俗移白沃之塘。提魏標幽銘。泐黃盤之峽。則雖傳成宗正說。續臨川終爲友。瑟之坦途。附蘿之恒軌也。今夫蔡琴非囊。誰知焦尾之良。晉研不磨。孰識凹心之寶。是以江生舜竹。因漬涕而彌鮮。嶽峙羸松。緣飽霜而益茂。當其扇猶初。却井豈旋操。門饌玉而原豐。樓弄珠而足玩。即使五更問寢。三日入厨。宜循璜珮之儀。亦爲錦羹之奉。若迴榆經輟社。莪已刪詩堂。無待乳之親室。有隨肩之姊。猶復青廬吹暖。一旬卽理紅鹽翠。

袖凌寒五夜尙鳴丹杼食盈千而待宴歌不聞魚忍書百以仿
張爭能化鵝下逮族敦韋葉媼恤葭萃俱揚紀竹之床並感縈
藹之化至於石麒麟月宜軫徐陵玉驥嘶風應憐李賀特恐衍
椒源別式穀情分王別駕刀贈鯉泉與元通爲異出霍驃騎甲
攬麟閣借博陸而殊生斯卽夢虎堪微掇蜂無慮苟或衣襪景
讓錘擲萊公便生蘆絮之譏易抱棹花之憾而迺撫士安於九
歲鞠文舉於四齡愛壹鳩慈均烏鳥紺珠通慧籌鐙課趙抃
之經碩果生災調藥療程興之疾以至丹鶴疊兆翠鸚重徵偏
驅無柳塢之驢獨灸少櫻厨之雀所以聲流珂里俱消歧視之
心好洽金昆竝篤同懷之誼獨是庭羅椿桂旣排鳳石以題坊
鏡鑄芙蓉當跋鯨波而擢第蓋我外舅英抽地肺奧抉天心闢
七已於瑤扇揭六庚於金莢懸河駕筆騁銅丸陣馬之離竒立

海攄牋探石粉癡羊之瑰異假使顓齡西竺延紀東桑王濛無
塵尾之憂華尉有龍頭之望則蕊珠宮裏定顏先澤於蕪湖豈
花月亭邊終躡雄才於柘水無如霓裳未賦鵬羽旋飛疑人鳥
而無香跨仙虬而有詔兩篇絕筆嘔心昌谷之囊一篋遺經愴
目茂陵之簡斯時也綠鬢露紛祇閱七齡黃口提孤誰憐六尺
而外姑投艱自淬錯節彌堅四鈎扶地絡之傾一柱補天維之
缺勞薪長爇泣女龍於三百六旬苦蘖潛餐和子鶴於二十九
載固已無施不卷有藿非甘矣乃更唐萼凋紅謝芝萎碧烏衣
羣從槌鼓聲消白雪諸昆撒鹽調闐揚亭吞鳳莫傳攤測元經
騾國吹螺難續舒陀樂府外姑於是憫鄧攸之乏祀欲王粲之
有祧辭鳳分三別修俎豆劉龍存兩自續箕裘九京藉澆麥之
恩十郡頌荷薪之訓以視恭承光祿護銀雁於芳阡喬嗣武鄉

誌木牛於古棧尙覺千鈞引髮未遭存趙之艱一井銘心轉惜
還陰之鹵且夫否極則泰迺天運之轉環善必降祥亦世風之
揚厲故樓船赤羽晉太尉資劉薦之功殿閣黃麻宋少師顯畫
灰之烈况膏沃者根茂積厚者光流固宜愛日長輝德星廣聚
入座盡搏鵬之士趨庭俱賦鵠之才文斫蛟螭遊一百廿部黃
劉之粹易詮墓鮒網二十一家漢魏之遺爰乃旌節栽花科名
詩草千軍鷲嶺著鞭木兔之年一騎燕山拔幟金雞之歲行見

珂鳴

北闕慰奎齒以承歡湖到東湖選狀頭而應誠金庚錫瑞鸞餐
霏鷓粒之香玉筭分榮象服耀翬幃之飾矧復森如竹立藹若
蘭薰序符揆覽之辰小同再見蘊啟藏書之酉公雅重逢杖未
試於玫階飴自含於瑤寢此誠蒲山鑿石鏤盛事而堪傳蘆浦

物枝寫美談而莫罄者矣至若李頻種壁非丐獎於姚公主濬
語冰實結知於徐母則有鴛鴦牒上別書溫鏡之緣鷓鴣圖中
更誌義牀之遇蓋方增栖庸鷹頂抱閭蟻輪未窺全豹之一斑
豈悟猶龍之衆妙眉揚李白空儼上書齒過蘭成尙迷射策座
慚碧鶴已消渭水之餘香蘭之紅蠶敢仿廬陵之故事爾乃綠
衣相杜黃絹謠楊謬嗜咳珠亟哆唾寶月下而繩從綰赤風前
而綬未紆青因而雪館徵文泖樓肆雅約孫登而並解招周顛
以聯牀呼鼻傲皇甫之愚釋褐盼於陵之貴逮至木天侍廁梓
里遙睽眄鶴髮於南天通燕心於北地裏蹄一鎰頻貽鑄佛之
金鮫組千端疊寄洗兒之祿斯則涉須彌之嶠儼德猶卑測蒲
類之津較恩尙淺也乃者歲臨胄昂序協圉且璘景開丁撓干
環甲添鶴籌於瓊島枝茂蒨齡會鶉火於瑤躔香舒槐晝則嘗

紀聞稗傳徵瑞芳辰南澗聽鵬蠻花擁檻北山浮蟻螻荔堆盤
僊谷雲停護元音於天寶神谿雨澗標勝景於太初書呈鳳紀
之祥益介麟筵之嘏況乃降占南斗剛越四朝生溯東華怡踰
五夕洵宜啟璇堂而懸綵悅奉金竿而舞斑衣顧方增幟弩扇
簞正彙唐貞觀之典芝房竹露復修班孟堅之書劇校閣而吹
藜罔杭波而折葦三千里之金甌難縮十二時之珠晷方長景
綯鸞篋證爾日麻姑之記海光燧

龍綉看異時趙母之旌閭

題程蓉浦夢餘小像

芝殿垂紳韓魏公捧天之烈蓮銅琢磬陽少傅轉柱之功生松
而列鴈行天頒上祿取穗而登螭陸人仰中台固皆彝鼎之銘
勳豈獨彤廷之綰綬至如楊雄吐鳳王鈺騎龍繁露千篇預著
懷蛟之瑞彩苞五色其徵舞鸞之祥爻吞而才進虞翻筆授而
辭工李嶠斯又慧心妙啟巨手爭推者矣他如楚雲感興於襄
王甄枕留情於曹植梅花月底啾嘈翠鳥之聲荔子燈前宛轉
紫雞之唱李夫人香通懷草唐元宗曲奏凌波凡此因夢而徵
奇孰非逾時而成夢況乎佛家泡影幾人悟得花拈塵海迷津
何處聞來棒喝蓉浦二兄珠斗騰光玉壺澄采奧識證徐陵之
稻洲海尋源壯懷馳博望之槎江山攬勝潮通鐵甕一帆送五
兩之風酒泛金卮雙袖舞二分之月豪氣豈殊乎杜牧偉才待

展乎仇香旣而走馬禺山聽鶯鄂渚鷓鴣峯近訪越王歌舞之
臺鷓鴣洲遙尋崔灑謳吟之地每念豐城之劍氣未許終埋卽
看單父之琴聲雅宜共奏簷虹久兆輻鹿將迎於是奉檄章江
應官都水霞鷺咏滕王閣上屢閱烏蟾沙鷗笑殷浩津頭何知
鴻鵠作種花之潘令到處歌棠爲愛菊之陶公翻思號柳粥粥
陋雞羣之立軒軒愧驥足之羈遂廼宦海旋驂邱園息旆司馬
之才未展元龍之氣如前時縱雄譚山巨源當年自命天生傲
骨蕭鄴侯此日難逢然而揮疏廣之金拯人不惜飲孔融之酒
結客常多嬉笑或出偶然覺悟頓教若若鳳凰綬後世漫疑阮
藉之狂蝴蝶飛來客自抱莊生之達是壽者相當同黃石之延
齡現宰官身尙有蒼生之望出倘比益刀之王濬不妨續夢前
遊如爲賜錦之寶參更可重圖新景也黑甜猶滯紅輦頻馳王

子安之易未通江醴陵之毫孰授石邊舊識期逢君於虎阜之
山枕上餘酣當喚我於邯鄲之道乃作贊曰非想非因不詭不
真達哉此身翛然爲羲皇上人

馮孝女傳

翠雞天降傳吉兆於耶溪金鹿仙遊製哀辭於騎省香無裂窟
空招宋客之光風什有京陵徒慨王公之皎月然而烈徵投谷
第五錡猶表其閭慧解聞琴蔡中郎尙誇其事矧乃珩璜垂範
勝西川勝壁之賢肇裴流檄亞南郡建樓之德如雲間馮孝女
者尤足傳焉孝女名佩彛蕙若儷婉荃直留芳熊出檻而能當
嫩紀漢廷之史魚佩衣而曾擊芬留澗水之談代咏髡儀世循
組訓高祖古浦先生一樓著集鴻篇蜚藝海之聲父渠潭先生
三峽摘詞鶚薦重橋門之望其說關圖之妹才本無雙早知謝
傳之兒行原最小方其翊幃佩鞞璿闥垂髫橘紀曾懷卽是閩
中之陸續茗原能賦別推宋後之令暉湖授簡於四齡惠妃足
擬高解經於一代伏女何殊于時樂咏含飴嬌稍理稿畫閣甫

吟黃之歲重聞有垂白之親痛鶴馭之忽遙感雞斯而亦踊豈
類陳情之李密養藉加餐竟爲不櫛之范喬泣逾留視蓋至性
原於天授鞏戒何庸沖齡早使人欽咳循克篤特是澣淪著美
僅誇石建於西京扇枕標賢第紀黃香於東觀未聞綠窗鳴佩
亦解遺羹翠幄織縑能知溫被而乃關心涼燠竟教事埒王延
劬手宵旰無俟訓承庾裘最賈遠之紆組志切顯揚仿絡秀之
具餐躬忘勞動固已型高珂里非徒誦大雅之篇談美璇闈豈
僅著小山之什顧此猶寢門之恒軌未足彰珉琬之芳楸者矣
且夫德感金流李冶之赤鑪猶憾誠孚露禱王家之紅帕何奇
事原曠古而堪聞歲值闕逢而足述當夫雀駟多病王粲方歸
聚棣萼而彌歡進蘭觴而縱飲一樽相對正紆原鶴之懷二豎
驟攫忽中河魚之疾得葛洪之急要方本通靈若子政之更生

疴猶待養典盡鳳奩之珥時奉參苓焚殘鳧鼎之香冀通閭闔
求衣無暇何論李德饒之十旬延算有徵恍賜陶明元之數字
所以嫫媿感化成敦烏哺之忱嫻黨聞風益恪雞鳴之盥豈止
善良之薰俗允宜孝養之名鄉是則譽播蘭榜品早超乎謝絮
才求蓉鏡選益慎乎養牀愛傳經鹿洞之宗薦絲剛附記競渡
龍舟之月蒲酒方傾則有小閣臨流雕恣映水遙通潮汐每縈
東泐之波俯瞰琉璃閒侍北堂之杖訝紅欄之忽折遽墜慈暉
搔白髮以何從狂傾淚雨飛身水面拚共珠沉援手波心冀同
璧返時則元夷動魄河伯效靈天黯淡而無光人喧呶而失色
忽如寶筏護出慈雲恍到漢臯驚爲神女甘作綠珠之墜義高
金谷而尤彰倘逢黃絹之題生較曹娥而更異自非奇孝雙存
孰格元穹何事沉疴一劫竟緣逝水幸護齡之藉續黃墟猶有

餘歡悼蕙質之遽凋，赤縣皆宜深慟。如俟殯修南澗，定更蜚姜膾之聲。轉憐芝萎西池，猶未逮終纓之齒。憶疇昔額神乞代，天何遠滅其芳齡。念今茲綽楔蒙旌。

帝已特頒夫

恩綽則雖璇宮猝赴金盃，長埋哭記陽城歌叩心而莫挽。神傷奉倩嗟識面以何曾，然視皓齒徒留枯菀。祗同河草修眉，忽謝有無。不管山雲斯又含笑九京，豈屑蜉蝣之朝暮。垂馨千禩，何論鵬蟬之春秋。而況光耀孺星四序之雞，奠式薦情綿愛日。二人之鶴算長延德，莫備焉心何恫矣。方增珥管史，歲十霜久閱采風邊微五教，彌敦當年拜疏。

彤墀仿劉向而創修列傳，此日揚徽煒管繼緹縈而別補遷書。用將風勵乎羣倫，豈第光增夫家乘哉。

題徐霞室

子思

沈姬傳後

張平子四愁之曲思結貂褕楚大夫九約之歌魂招蠟臙銀潢
天上猶悵迢遙金盃人間最悲寂寞况復琴橫綠綺別鵲聲悽
簫按紫瓊迎鳳調圓撫蕙榜而紫恨每絳鮫絲睇篔簹而暮懽
徧題鳳紙則有人隣浮玉才邃探珠筆架珊瑚傳魚油於孝穆
簾鉤翡翠訪蛾睽於翹風一渠通鶴澗之波雙槩擢鴟夷之舸
廊尋響屐恰逢織素之家山轉小敷遂合牽紅之幔爾迺東陽
華閨派衍隱侯南部穠姿艷分姑射撥鴟絃於茗水歡動鳴箏
望雉堞於瓜洲榮分縮組於是蘭橈泛綠桂樹塗丹辟瑤英慣
伴元公隋清娛偏依遷史瘦迎桃葉相攜鐵甕城邊觀訪瓊花
小住玉鈎斜畔似滕王之蛺蝶飛不離雙借羿后之蟾蜍影長
照兩泊乎珠胎甫兆玉樹旋生窗前看繡襖之裁堂上望香輪

之轉彩鸞歸去方樂含飴雛鳳鴛來忽悲碎壁隔小星於碧浦
鵲影將填淪愛日於虞淵雞斯驟踊遂迺旒瞻子舍轍返庚邛
沉綿銜蒿里之哀憔悴抱文園之病背爬鳥爪長倩麻姑身作
鷲拳幾成疴丈璇閨夜拜願禳鵬舍之祇金縷晨纏欲續鸞簪
之算蘇瞻不死實資搗藥於雲英劉向更生復和鳴璫於玉女
既而紅肩小比素手重分東山促謝傅之行半生絲竹南浦黯
文通之別滿目煙波鏡舞山雞縱留雙影書貽江鯉莫罄單情
纏綿略似春蠶淒切潛驚秋蟀貽珠纓而雕芳褥誤詫虺祥楔
梓瑟而結奇璜遽攫堅禍晶簾偶捲瘦更甚於黃花珊簾猶存
化竟同乎紫玉僂二十四番之信恰合芳齡算二百六日之期
剛分數月變生離爲死別除非入夢重逢問往果與來因祇恐
他生未卜斯時也虹橋淚酒螢苑燧飛千里雲遙二分月缺竹

西笙管吹出哀聲硯北縑緗吟成苦調潛英帳裏心癡珮響之
鳴輓玉奩中腸斷縷紋之髮誰能遣此我見猶憐然而錦瑟絃
摧玉簫環碎金谷園珠愁早墮胭脂井花惜長埋比名將於美
人白頭罕見笑魔王於佛子慈眼空垂人顛顛以多悲天黷迷
而似醉看衆生之坎壈解彼美之述邇請陳卮衍之詞聊慰白
炊之戚彼夫桃開洞口靡採山頭無名士以悅傾城有才人之
嫁斯養遂使溷中英墜隨野鴨以文鴛亦或霧裏花看對螺鬟
以鶴髮含情宛轉勉爲其命之禽顧影徘徊羞作同功之蝓姬
則雙珠絕彩連璧生輝妾住江南灼若芙蓉淥水郎居城北濯
如楊柳春風翼比無嫌自成有素此其可慰者一也別有小家
碧玉本屬清門大道朱樓誤依曲巷穠華絕世開成火井之蓮
飄泊隨風沾類泥塗之絮客喧嗽而嗒至人啼笑以俱難倚玉

有心誰挾黃衫之氣量珠無價莫迴紫海之瀾姬則金粟現身
曇花示影碧桃天種不落凡塵紅葉溝流早諧仙耦此其可慰
者二也至若么鳳雖馴怒獅善吼劉孝標有三同之慨王文穆
添四畏之堂委髮知憐無如桓主飲醜不畏其奈環妻鳩盤茶
老懾裴談杜蘭香生辭張碩衾稠莫抱鑊桁翻燒傷心不獨小
青澆恨空浮大白姬則星機竝織月帳同懸室無悍虎之威廡
有借鴻之樂陰成綠葉不藉鸞羹芽茁紅芝曾詵螽羽此其可
慰者三也若夫歌院十三釵行十二辛棄疾雙鬢並列宋子京
半臂爭貽脆管繁絃酌懽樽於別館錦衾角枕悽冷夢於空幃
情旣難專愛尤易弛姬則瑤釵鸞合玉鏡鸞圓兩美合弁一夔
已足姜堯章瓊簫間譜但聞低唱借紅杜司勳玳讌重開無復
狂言請紫石邊密誓獨結三生江上離愁兼縈兩地此其可慰

者四也又或媚蠱監奴冶憐小史鄭櫻桃真能奪寵郭芍藥翻
遣修仙謬託河魁別泥戴仁之寢不親妝閣轉矜周澤之齋辜
脂盞於瓔房凋韶顏於瑤闌莫不心悲鷓鴣狎命惜鸞訛姬則蓮
花並蒂梔子同心桑自採於羅家桃孰餐乎衛國梁雕玳瑁但
看紫燕之棲帳曙流蘇慣聽紅鸚之喚此其可慰者五也而乃
棠梨寒食已含笑於黃墟蘭蕙光風尙寫哀於青鏤傳鈿盒金
釵之語術少臨叩賦川魚翰鳥之章感深騎省仙寰路渺已同
無著天親佛界輪迴再作有情眷屬僕早遊蓬島偶住雷塘未
尋暮雨之臺適讀朝雲之傳攬芳儀於箴管如窺修態姍容展
遺挂於茵幃竊歎零鈿賸粉生非薄命原不爲花拚得相思何
妨種豆玉溪生之瑤柱長憶華年萼綠華之金環追憐往事木
街精衛君難填恨海之深石煉媧皇我欲補情天之缺

先大父閣學公著有從政觀法錄三十卷已刊行於世並纂
本朝掌故爲識大識小兩錄又手訂求聞過齋詩文集道光庚
寅歸道山越辛卯先君生淒風苦雨之中珍守吉光片羽先君
弱冠以後倩人錄詩文集副本辛壬之變避兵甬東迨粵匪削
平任管糧通判川沙廳同知謹藏遺稿出入攜持迄今六十餘
年得不散殆有鬼神呵護之與族兄少虞觀察以潮州太守
告養歸田考獻徵文索先祖詩文集以付劊劊先祖以相如子
雲之才獻賦帝廷海內欽爲山斗而鑄梨棗以壽世尤爲千
秋不朽惜詩集刻竣未印先君卧病吳門彌留之際以不及見
先集裝訂成編爲憾事逮禾中寄到已棄養矣嗚呼痛哉小子
失怙以來家徒四壁窳事畢將安硯金闔悵悵出門臨行附
言簡末以誌先集梗概惟冀久爲流傳云爾光緒二十年正月

上旬孫男冠瀛敬誌於上水邨